


DS
735
A2Y86
1771a
V. 42





御批歷代通鑑輯覽卷之八十三

宋

依通鑑晉紀例不書南

高宗皇帝

高宗南渡遷都依晉元帝例加序

帝名構。徽宗第九子。初封康王。二帝北行。遂即位于南

京。後遷都臨安。

本餘杭郡。南渡後。升臨安府。為行在所。

丁未建炎元年夏五月。康王構即皇帝位于南京。是為高宗。大赦。

改元。

呂好問謂邦昌曰。天命人心。皆歸康王。相公先遣人推

戴。則功無在。相公右者。若撫機不發。他人聲罪致討。悔

可追邪。宗室子崧。

字伯山。燕懿王德昭五世孫。

知淮寧府。聞二帝北

遷。與江淮經制使翁彥國等。誓眾登壇歃血。同獎王室。

康王遣使擢爲大元帥府參議官。子崧又移書訶斥邦昌。使其反正。並曉王時雍等。辭指激切。邦昌乃復遣謝克家往奉迎。王時雍曰。騎虎者勢不得下。所宜熟慮。他日噬臍。悔無及矣。徐秉哲從旁贊之。邦昌不聽。克家至濟州。勸進王不許。張俊曰。大王皇帝親弟。人心所歸。當早正大位。旣而邦昌又遣蔣思愈等持書詣濟州。自陳所以勉循金人推戴者。欲權宜一時。以紓國難。爾非敢有他也。王復書與之。而諭宗澤等。以爲邦昌受僞命之人。義當誅討。然慮事出權宜。未可輕動。合移師近都。按甲觀變。澤復書謂邦昌篡亂。蹤跡已無可疑。今二聖諸王。悉渡河而北。惟大王在濟。天意可知。宜急行天討。興復社稷。不可不斷。好問亦遣人來言。大王不

自立。恐有不當立而立者。邦昌又遣謝克家及王舅忠

州防禦使韋淵。

韋賢如之弟。

奉大宋受命寶詣濟州。復以手

書號太后曰元祐皇后。入居禁中。垂簾聽政。以俟復辟。

以馮澥為奉迎使。邦昌自稱權尚書左僕射。率百官勸進。而退居于資善堂。克家等至濟州。王慟哭受之。命克

家還京辦儀物。皇后命太常少卿汪藻草手書告中外。

俾王嗣統。

畧曰。比以敵國興師。都城失守。祔纏宮闕。禍及宗祏。緬維藝祖之開基。實自高穹之眷命。

歷年二百。人不知兵。傳序九君。世無失德。雖舉族有北轅之釁。而敷天同左祖之心。乃眷賢王。越居近服。漢家之厄十世。宜光武之中興。獻公之子九人。惟重耳之尚在。茲惟天意。夫豈人謀。濟州父老詣軍

門。言州四旁望見城中火光屬天。請王即皇帝位。會宗

澤及權應天府朱勝非。

字藏一。蔡州人。

來言。南京藝祖興王之

地取四方中漕運尤易。王遂決意趨應天府。既發濟州。鄜延副總管劉光世自陝州來會。王以光世爲五軍都提舉。西道都總管王襄宣撫司統制官韓世忠皆以師來會。王至應天。邦昌來見。伏地慟哭請死。王撫慰之。王時雍等奉乘輿服御至。羣臣勸進者益衆。王命築壇于府門之左。五月庚寅朔。王登壇受命畢。慟哭遙謝二帝。遂卽位于府治。改元建炎。大赦。張邦昌及應干供奉金國之人。一切不問。惟蔡京童貫朱勔李彥孟昌齡梁師成譚稹子孫。更不收敘。是日。元祐皇后在東京撤簾。

遙上靖康帝尊號曰孝慈淵聖皇帝。

以黃潛善爲中書侍郎。汪伯彥同知樞密院事。

邦昌人臣稱帝。僧道顯然。雖已畏禍。自歸。豈得原情。廢法。乃潛善輩心存左祖。竟以金人所脅。曲為解釋。而高宗亦復以異時金人有詞為懼。非惟不聲罪。加誅。轉位以三公尊之王爵。刑賞倒置。皆由怯懦而成。以致顏岐論奏公然請視。金人所喜惡。以為黜陟。高宗不過以已躬諷喻。而不能示之顯罰。其乘輿苟安。無振作有為之意。已可概

張時泰曰。高宗即位伊始。而用非其人。初政蓋可見矣。

尊哲宗廢后孟氏為元祐太后。遙尊母韋氏為宣和皇后。遙立夫人邢氏為皇后。

以張邦昌為太保。封同安郡

注見前。

王五日。一赴都堂參決

大事。

帝問宰執何以處邦昌。黃潛善等曰。邦昌罪在不貸。然為金人所脅。今已自歸。惟陛下所處。帝曰。朕欲馭以王爵。異時金人有詞。使邦昌以天下不忘本朝。而歸寶避位之意告之。遂有是命。尋詔邦昌宜如文彥博故事。一月兩赴都堂參決大事。又加太傅。

耿南仲免。召李綱為尚書右僕射。兼中書侍郎。

綱再貶寧江。

今四川夔州府。宋爲寧江軍。

金兵復至。淵聖悟和議之

非。召綱爲開封尹。行次長沙。被命。卽帥湖南勤王師入

援。未至而京城失守。及是。召拜右相。趣赴行在所。中丞

顏岐。

字夷仲。魯人。復之子。

奏曰。張邦昌爲金人所喜。雖已爲三公

郡王。宜更加同平章事。增重其禮。李綱爲金人所惡。雖

已命相。宜及其未至罷之。章五上。帝曰。如朕之立。恐亦

非金人所喜。岐語塞而退。岐又遣人封其章。示綱。覬沮

其來。右諫議大夫范宗尹論綱名浮于實。有震主之威。

帝亦不聽。汪伯彥。黃潛善。自謂有攀附之勞。擬必爲相。

及召綱于外。二人不悅。遂與綱忤。綱行至太平。上疏曰。

興衰撥亂之主。非英哲不足以當之。英則用心剛。足以

莅大事而不為小故之所搖。哲則見善明。足以任君子而不為小人之所間。願陛下以漢之高光。唐之太宗。國朝之藝祖。太宗為法。

遣馬忠追擊金軍。

尼瑪哈等既去。留萬戶尼楚赫屯太原。副統碩格舊作韶合

今改後仿此屯真定。洛索圍河中。蒙克舊作蒙哥。今改後仿此進據磁

相。托卜嘉圍河間。帝命忠及忻州觀察使張換將所部

合萬人自恩冀趨河間以襲之。

馮澥免。以呂好問為尚書右丞。

元祐太后遣好問奉手書詣應天。帝勞之曰。宗廟獲全。

卿之力也。除尚書右丞。李綱以羣臣在圍城中不能執節欲悉按其罪。好問曰。王業艱

徽欽兩朝一切委靡不振。馴致于亡。李綱欲悉按圍城中不能執節之罪。非惟申嚴臣子大防。且藉此可

以飭憲紀而佐維新之治
呂好問詭辭沮止不過以
曾受偽職冀為自免地耳
視從逆為無關輕重且倡
為艱難含垢之言峻法滋
懼之說則是怙終文過其
心更不容誅矣

難政宜含垢繩以峻
法懼者衆矣綱乃止

置御營司

時王淵楊惟忠以河北兵劉光世以陝西兵張俊苗傅
以帥府及降盜兵皆在行朝不相統一乃置御營司主
行幸總齊軍政命黃潛善兼御營使汪伯彥副之而以
王淵為都統制劉光世提舉一行事務韓世忠為左軍
統制張俊為前軍統制楊惟忠主管殿前公事
竄李邦彥吳敏蔡懋李稅宇文虛中鄭望之李鄴等于遠
州

詔以靖康大臣主和誤國安置邦彥于潯州徙敏柳州
懋英州稅虛中望之鄴皆以請割地安置廣南諸州又

以宣仁聖烈皇后。保祐哲廟有大功。而姦臣造言誣謗。著于史牒。令國史院據實修正。播告天下。于是蔡確。蔡卞。邢恕。皆追貶之。已而御史中丞張澂復論耿南仲誤國罪。帝曰。南仲誤淵聖。天下共知。朕嘗欲手劍擊之。遂安置南雄州而死。續綱目于南仲之竄。與邢彥等連名並書。考宋史。南仲安置南雄。在是年八月。不可合爲一事。今于綱內削南仲名。而附注其事實于目之後。

簽書樞密院事張叔夜在金軍不食死。

叔夜旣北遷。道中惟時飲水。義不食其粟。至白溝。御者

曰。過界河矣。叔夜乃矍然起。仰天大呼。遂不復語。明日

扼吭而死。

事聞。贈開府儀同三司。謚忠文。何桌。孫傳。後從淵聖帝至燕山。亦相繼卒。

金人破河中府。及解絳。慈隰諸州。

時馬忠。張換。追襲金人于河間。黃潛善等復主和議。請

髮室見于金史列傳而宋
史乃作婁宿二史成于一
人之手不應彼此互異至
續綱目他處皆從金史作
室惟此仍依宋史更不免
前後參差按宇文懋昭大
金國志亦作室懋昭金人
其稱各自為可據而昔人
編校之疎亦概可知因考
覈以訂其舛

遣宣義郎傅雱為祈請使。又令張邦昌作書貽二帥。仍
用靖康誓書畫河為界。且下令不得下赦文于河東。北
及河中府。詔止追襲兵。屯大河南。應機進止。至是金
洛索續綱目互異。經已見前。茲因宋金二史及
兵壓河中。權府事郝仲連昌元力戰外援不至。先自殺。
其家人城陷。與其子致厚皆死之。金人復陷單密二州。
以宗澤知襄陽府。

澤見帝應天陳興復大計。帝欲留澤。黃潛善等沮之。故
出。

安置監察御史張所

青州人。

于江州。

靖康中。所以蠟書冒圍募河北兵。士民得書喜曰。朝廷

棄我。猶有一張察院。能拔而川之。應募者十七萬人。由是所聲振河北。帝卽位。遣所按視陵寢。所還。上言曰。河東河北。天下之根本。昨者誤用姦擊之謀。始割三鎮。繼割兩河。其民怨入骨髓。至今無不扼擊。若因而用之。則可藉以守。否則兩河兵民。無所繫望。陛下之事去矣。且請帝亟還京城。因具言有五利。奉宗廟。保陵寢。一也。慰安人心。二也。繫四海之望。三也。釋河北割地之疑。四也。早有定處。而一意于邊防。五也。夫國之安危。在乎兵之強弱。與將之賢不肖。而不在乎都之遷與不遷也。誠使兵弱而將士不肖。雖渡江而南。安能自保。帝欲以其事付所。會所言黃潛善姦邪不可用。恐害新政。潛善引去。

帝留之。乃罷所言職。安置江州。

六月。李綱至。行在固辭相位。不許。

綱至。入見。涕泗交集。帝爲動容。因奏曰。今日內修外攘。

還二聖。撫萬邦。責在陛下與宰相。臣自視缺然。不足以

副委任。且臣在道。顏岐嘗封示論臣章。謂臣爲金所惡。

不當爲相。因力辭。帝命岐奉祠。併出范宗尹。綱猶力辭。

帝曰。朕知卿忠義智畧久矣。其勿辭。綱頓首泣謝。且言。

昔唐明皇欲相姚崇。崇以十事要說。皆中一時之病。今

臣亦以十事仰干天聽。陛下度其可行者。賜之施行。臣

乃敢受命。一曰議國是。謂中國之御四夷。能守而後可。戰能戰而後可。和而靖康之末。

皆失之。今莫若先自治。專以守爲策。二曰議巡幸。謂車馬不

俟。吾政事修。士氣振。然後可議大舉。

可不一至京師見宗廟以慰都人之心度未可居則爲
巡幸之計天下形勢長安爲上襄陽次之建康又次之
皆當詔有司三曰議赦令謂祖宗登極赦令皆有常式
預爲之備四曰議僭逆謂張邦昌爲
爲法如赦惡逆及罪廢官盡復官職皆不可行宜悉改正
臨難死節而挾金人之勢易五曰議僞命謂國家史大
姓改號宜正典刑垂戒萬世六曰議戰
死義之士而受僞官者不可勝數昔肅宗平賊汚僞命者以六等定罪宜倣之以厲士風
謂軍政久廢士氣怯懦宜一新紀律信賞必罰以作其氣七曰議守謂敵情狡猾勢
河江淮措置控八曰議本政謂政出多門綱紀紊亂宜
禦以扼其衝九曰議久任謂靖康間進退大臣太速功效蔑
修德謂上始膺天命宜益修孝悌恭翌日班綱議于朝
惟僭逆僞命二事留中不出

安置張邦昌于潭州貶放其黨有差

李綱以僭逆僞命二事留中。言于帝曰。二事乃今日刑政之大者。邦昌當道君朝。在政府者十年。淵聖卽位。首擢爲相。方國家禍難。金人爲異姓之謀。邦昌如能以死守節。推明天下戴宋之義。以感動其心。敵人未必不悔禍而存趙氏。而邦昌方以爲得計。偃然正位號。處宮禁。擅降僞詔。以止四方勤王之師。及知天下之不與。乃不得已。請元祐太后垂簾聽政。而議奉迎。邦昌僭逆始末如此。而議者不同。臣請以春秋之法斷之。夫春秋之法。人臣無將。將則必誅。趙盾不討賊。則書以弑君。今邦昌已僭位號。敵退而止勤王之師。非特將與不討賊而已。劉盆子以漢宗室爲赤眉所立。其後以十萬衆降光武。

邦昌叛宋之罪高宗寧獨不知乃聞李綱討賊之說猶必歷詢等執豈真以其罪狀尙有可疑蓋其始高宗未嘗不慮邦昌挾可據之勢將不利于已故當其遣使奉迎時尙諭宗澤按甲觀變及邦昌身自勸進大位遂不勞而定高宗非惟不較其僭逆之蹟且陰德其擁戴之功則其終從竄放特因李綱執持大義

但待之以不死。邦昌以臣易君罪大于盆子。不得已而自歸朝廷。既不正其罪。又尊崇之。此何理也。陛下欲建中興之業。而尊崇僭逆之臣。以示四方。其誰不解體。又僞命臣僚。一切置而不問。何以厲天下士大夫之節。時執政中有議不同者。帝召黃潛善等語之。潛善主邦昌甚力。帝顧呂好問曰。卿昨在圍城中知其故。以爲何如。好問附潛善持兩端。綱言。邦昌僭逆。豈可留之朝廷。使道路指目曰。此亦一天子哉。因泣拜曰。陛下必欲用邦昌。第罷臣。帝頗感動。汪伯彥乃曰。李綱氣直。臣等所不及。帝乃出綱奏。責授邦昌昭化軍節度副使。潭州安置。并安置王時雍。徐秉哲。吳玠。莫儔。李擢。孫覲。于高梅。永。

知公論所在不得已而行
之耳他日邦昌既誅旋卽
言其親屬雖藉以悅金而
其隱曲亦從可見甚可鄙
也

全。柳歸州。而顏博文。王紹以下。論罪有差。

左正言鄧肅請分三等定

罪。博文。紹。以撰勸進文。及赦書。坐貶。

贈李若水。霍安國。劉韜官。詔諸路訪死節之臣以聞。

李綱言。近世士大夫寡廉恥。不知君臣之義。靖康之禍。

能仗節死義者。在內惟李若水。在外惟霍安國。願加贈

卹。帝從其請。遂贈若水觀文殿學士。

諡忠愍。

安國延康殿

學士。韜資政殿學士。仍詔有死節者。諸路詢訪以聞。

以李綱兼御營使。

綱既受命。有旨兼充御營使。入對。言曰。今國勢不及靖

康間遠甚。然而可爲者。陛下英斷于上。羣臣輯睦于下。

庶幾中興可圖。然非有規模。而知先後緩急之序。則不

能以成功。夫外禦彊敵。內銷盜賊。修軍政。變士風。裕邦財。寬民力。改弊法。省冗官。誠號令以感人心。信賞罰以作士氣。擇帥臣以任方面。選監司郡守以奉行新政。俟吾所以自治者。政事已修。然後可以問罪金人。迎還二聖。此謂規模也。至于當急而先者。則在于料理河北。河東。蓋兩路國之屏蔽。料理稍就。然後中原可保。而東南可安。今河東所失者。恒代。太原。澤潞。汾晉。河北所失者。真定。懷衛。濬。其餘諸郡。皆爲朝廷守。兩路士民兵將。皆摧豪傑以爲首領。多者數萬。少者不下萬人。朝廷不因此時置司遣使。以大慰撫之。分兵以援其危急。臣恐糧盡力疲。坐受金人之困。雖懷忠義之心。危迫無告。必且

憤怨朝廷。金人因得撫而用之。皆精兵也。莫若于河北置招撫司。河東置經制司。擇有才畧者爲之。使宣諭天子恩德。所以不忍棄兩河于敵國之意。有能復一州。復一郡者。以爲節度防禦團練使。如唐之方鎮。使自爲守。非惟絕其從敵之心。又可資其禦敵之力。使朝廷永無北顧之憂。最今日之先務也。帝善其言。問誰可任者。綱薦張所。傅亮。亮。西人。習古兵法。綱與語。謂可爲大將。因奏用之。綱又立軍法。五人爲伍。伍長以牌書同伍四人姓名。二十五人爲甲。甲正以牌書伍長五人姓名。百人爲隊。隊將以牌書甲正四人姓名。五百人爲部。部將以牌書部長正副十人姓名。二千五百人爲軍。統制官以牌書部長正副十人姓名。招置新軍。及御營司兵。以此法團結。又詔陝西。山東諸路帥臣並依此法。互相應援。有所呼召。使令按牌以遣。

子勇生大赦

河北河東赦令久已不及
一旦德音遍布人情自應
翕然但謂因此而間有奏
捷及金兵引去則不免粉
飾太過且此已云高宗從
李綱言廣示德意未幾而
案澤復以刑部指揮不得
謄播赦文于河陝爲言已
自相矛盾可見紀載之不
足盡信矣

皇子生故事當肆赦李綱言陛下登極曠蕩之恩獨遺
河北河東及勤王之師夫兩河爲朝廷堅守而赦令不
及人皆謂已棄之何以慰忠臣義士之心勤王之師在
道路半年擐甲荷戈冒犯霜露雖未效用亦已勞矣加
以疾病死亡恩卹不及後有急難何以使人願囚今赦
廣示德意帝從之于是人情翕然間有以捷書至者金
人圍守諸郡之兵往往引去

還元祐黨籍及元符上書人官爵

遣宣義郎傅雱使金軍通問二帝

初黃潛善白遣雱爲祈請使又遣太常少卿周望爲通

問使俱未行。李綱上言。堯舜之道。孝弟而已。今日之事。正當枕戈嘗膽。內修外攘。使刑政修而中國彊。則二帝不俟迎請而自歸。不然。雖冠蓋相望。卑辭厚禮。恐亦無益。今所遣使。但當奉表通問。致思慕之意可也。帝從之。遂命綱草表付雱以往。且致書于尼瑪哈。是時尼瑪哈專權。金主不能令守虛位而已。幹刺布聞帝即位。議歸上皇以講好。尼瑪哈未之許。會幹刺布卒。事遂中輟。立沿河江淮帥府。

從李綱請也。凡十有九府。要郡三十九。次要郡三十八。帥府兼都總管。守臣兼鈐轄都監。總置軍九十六萬七千五百人。別置水軍七十七將。帥府置水兵二軍。要郡一軍。立軍號曰凌波樓。造舟江淮諸州。

以張慤

字誠伯。河間樂壽人。

同知樞密院事兼提舉戶部財用

初慤為計度都轉運使。帝為大元帥。募諸道兵勤王。慤

飛輓踵道。建議印給鹽鈔。以便商旅。不閱旬。得緡錢五

十萬以佐軍。帝即位。以為戶部尚書。至是。除同知樞密

院事。兼提舉戶部財用。慤建言。三河之民。怨敵深入骨

髓。恨不殲殄其類。以報國家之仇。請因唐人澤潞步兵

雄邊子弟遺意。募民聯以什伍。而寓兵于農。使合力抗

敵。謂之巡社。

其法五人為甲。五甲為隊。五隊為部。五部為社。皆有長。五社為一都。社有正副。二都

社有都副總首。甲長以上免身役。所結五百人以上。借補官有差有功。或藝彊及都總首滿三年無過者。並補

正官。論者以其法精詳。前此言民兵者。皆莫之及。詔集為

書行之。隸安撫司。

慤善理財。錢穀利害。猶指諸掌。在朝謗謗有大臣風節。然議論可否。未嘗

張翥官樞府首尾一年所
與同列有善潛善汪伯彥
諸奸皆欲深鋤異已翳荷
少以名節自持則議論之
間必當立見齟齬乃周旋
既久未嘗失歡則平日之
依違固位已可概見且因
劉豫鄉曲情誼上薦于朝
遂啟偽齊悖逆之漸尤不
免于結黨樹私史稱其諤
諤有大臣風節試何謂耶

失歡同列時論
善之明年卒

呂好問罷知宣州

侍御史王賓論好問嘗汚偽命不可立新朝帝曰邦昌
僭號之初好問募人賫帛書道京師內外之事金人甫
退又遣人勸進考其心迹非他人比好問自慙力求去
且言邦昌僭號之時臣若閉門潔身實不為難徒以世
被國恩所以受賢者之責冒闖賫書于陛下疏入除資
政殿學士知宣州以恩封東萊郡侯

以宗澤為東京留守澤累表請帝還京師不報

澤在襄陽聞黃潛善復倡和議上疏曰自金人再至朝
廷未嘗命一將出一師但聞奸邪之臣朝進一言以告

宗澤忠義凜然屢戰克捷
奉命留守東京賴以保全
而前後所陳諸疏正論侃
侃亦皆發于忠愛實爲宋
室純臣自能援居飛于刑
罪之中遂成中興名將其
明識尤有過人者

和暮入一說以乞盟終至二聖北遷宗社蒙耻臣意陛下赫然震怒大明黜陟以再造王室今卽位四十日矣未聞有大號令但見刑部指揮云不得謄播赦文于河之東西陝之蒲解是褫天下忠義之氣而自絕其民也臣雖驚怯當躬冒矢石爲諸將先得捐軀報國恩足矣帝覽其言而壯之及開封尹闕李綱言綏復舊都非澤不可乃以爲東京留守知開封府時敵騎留屯河上金鼓之聲日夕相聞而京城樓櫓盡廢兵民雜居盜賊縱橫人情洶洶澤威望素著旣至首捕誅舍賊者數人下令曰爲盜者賊無輕重悉從軍法由是盜賊屏息因撫循軍民修治樓櫓屢出師以挫敵上疏請帝還京師俄

有詔荆襄江淮悉備巡幸。澤又上疏言：「開封物價市肆漸同平時，將士農民商旅士大夫之懷忠義者，莫不願陛下急歸京師，以慰人心。其倡爲異議者，不過如張邦昌輩，陰與金人爲地爾。旣而金人遣使，以使僞楚爲名，至開封，澤拘其人，乞斬之。有詔延置別館。澤奏曰：『金人假使僞楚來覲，虛實臣愚乞斬之，以破其奸。而陛下惑于人言，優加禮遇，臣愚不敢奉詔，以彰國弱。』帝乃手札諭澤，竟縱遣之。真定懷衛間，敵兵甚盛，方密修戰具，爲人攻之計。澤以爲憂，乃渡河約諸將共議事宜，以圖收復。而于京城四壁各置使，以領招集之兵，造戰車千二百乘，又據形勢立堅壁二十四所于城外，沿河鱗次爲

連珠砦。連結河東河北山水砦。忠義民兵。于是陝西京東西諸路人馬咸願聽澤節制。澤又開五丈河以通西北商旅。守禦之具既備。累表請帝還京。而帝用黃潛善計。決意幸東南。不報。秉義郎岳飛犯法將刑。澤一見奇之。曰。將材也。會金人攻汜水。以五百騎授飛。使立功贖罪。飛大敗金人而還。陞飛爲統制。而謂之曰。爾智勇材藝。古良將不能過。然好野戰。非萬全計。因授飛陣圖。飛曰。陣而後戰。兵法之常運用之妙。存乎一心。澤是其言。飛由此知名。

詔諸路募兵買馬。勸民出財。

李綱言。熙豐間。內外禁旅五十九萬。今禁旅單弱。何以捍彊敵而鎮四方。莫若取財于東南。募師于西北。若得數十萬付諸將。以時練之。不久皆成精兵。此最爲急務。于是詔陝西河北京東西路募兵十萬。更番入衛。河北

房琯陳濤斜之改快在用車徽宗時邢恕蔡京輩不知覆轍是懲復建兵車之議差運勞擾大為民患宗澤夙號知兵李綱達于事理何以亦有此舉雖其制用人推引與琯之仿古法驂駕者稍異然迂緩繁重馳突之捷不如騎兵擊刺之便不如步卒即盡其用亦止宜于守而不利于攻且當日徒有創造之煩未聞一收其效史謂渡江後沮如險隘之地車無所施尚以綱之法不及竟用為惜豈知即用于中原亦適以示弱而不能制勝書生怯懦抑蠟徒以捍蔽為足

西路括買官民馬勸民出財助國綱又言步不足以勝

騎騎不足以勝車請以戰車之制頒于京東西路使製

造而教習之車製兩竿雙輪上設皮籬以捍矢石下施鐵裙以衛人足旁施鐵索聯可為營四人

推竿以運車一人登車以發矢二十五人執兵器發車兩旁每車用二十五人

以張所為河北招撫使

李綱欲用所以其前論黃潛善因從容與潛善言之使

所冒死立功抵罪潛善許諾乃借所直龍圖閣宋南渡後以直

閣為庶官任藩閫監司者貼職亦謂之借職充河北招撫使賜內府錢百萬

緡給空名告身千餘道以京西卒三千自衛將佐官屬

許自辟置一切以便宜從事所入對條上利害且乞置

司北京俟措置有緒乃渡河河北轉運副使張益謙附

特而昧于奮勇制勝之方
其不堪一晒耳

黃潛善意奏招撫司之擾。且言自置司河北。盜賊益熾。
李綱言。張所尙留京師。益謙何以知其擾河北。民無所
歸。聚而爲盜。豈由置司。益謙非理沮抑如此。必有使之
者。上乃命益謙分析。命下樞密院。汪伯彥猶用其奏。詰
責招撫司。綱與伯彥力爭。伯彥語塞。所招徠豪傑。擢王
彥。字子才。上黨人。爲都統制。時岳飛上書言。勤王之師日集。宜
乘敵怠而擊之。黃潛善注伯彥輩。不能承聖意恢復。奉
車駕日益南。恐不足繫中原之望。願陛下乘敵穴未固。
親率六軍北渡。則將士作氣。中原可復。坐越職言事。奪
官歸詣所。所以飛爲中軍統領。問之曰。爾能敵幾何。飛
曰。勇不足恃。用兵在先定謀。樂枝曳柴以敗荆。莫敖采

樵以致絞。皆謀定也。所矍然曰。君殆非行伍中人。飛因說所曰。國家都汴。恃河北以爲固。苟馮據要衝。峙列重鎮。一城受圍。則諸城或擾或救。金人不能窺河南。而京師根本之地固矣。招撫誠能提兵壓境。飛唯命是從。所大喜。借補飛武經郎。

秋七月。以王瓊爲河東經制使。傅亮副之。

又以錢蓋爲陝西經制使。

右諫議大夫宋齊愈以罪棄市。

邦昌僭偽之議。因齊愈書名而定。其罪固無可寬。然視王時雍。吳玠。莫儔。范瑁之甘心從逆者。情稍有間。前此貶竄逆黨。齊愈旣已漏網。卽欲追論其事。亦當

齊愈附黃潛善。注伯彥。上疏論李綱募兵買馬括財三事之非。不報。章擬再上。其鄉人嫌齊愈者。竊其草示綱。時方論僭逆附偽之罪。而齊愈實書邦昌姓名以示衆。

與時雍輩一律處分乃李綱魁其言時政遽爾重翻舊案實之極刑實不免爲私意所累且巨竊尙止投荒附從反行肆市輕重失倫他日張浚劾奏遂據爲口實不得謂非綱之自取也

者于是逮齊愈于獄。齊愈不承。獄吏曰。王尙書輩所坐。不輕然。但遷嶺南爾。齊愈引伏。遂命戮于東市。以范致虛知鄧州。

李綱嘗言。車駕巡幸之所。關中爲上。襄陽次之。建康爲下。陛下縱未能行上策。猶當且適襄鄧。示不忘故都。以繫天下之心。不然。中原非復我有。車駕還闕無期矣。帝乃諭兩京以遷都之意。讀者感泣。旣而有詔欲幸東南。避敵。綱極言其不可。且曰。自古中興之主。起于西北。則足以據中原。而有東南。起于東南。則不能復中原。而有西北。蓋天下精兵健馬。皆在西北。若委中原而棄之。豈惟金人將乘間以擾內地。盜賊亦將譴起爲亂。跨州連

邑陛下雖欲還闕。不可得矣。况欲治兵勝敵。以歸二聖哉。夫南陽。光武之所興。有高山峻嶺。可以控扼。有寬城平野。可以屯兵。西隣關陝。可以召將士。東達江淮。可以運穀粟。南通荆湖巴蜀。可以取財貨。北距三都。可以遣救援。覲議駐蹕。乃還汴都。策無出于此者。今乘舟順流。而適東南。固甚安便。第恐一失中原。則東南不能必其無事。雖欲退保一隅。不可得也。况嘗降詔許留中原。人心悅服。奈何詔墨未乾。遽失大信。帝乃許幸南陽。以范致虛知鄧州。修城池。繕宮室。輸錢穀以實之。而汪伯彥黃潛善陰主揚州之議。或謂綱曰。外論洶洶。咸謂東幸已決。綱曰。國之存亡。于是焉分。吾當以去就爭之。

罷四道都總管。

閣門宣贊舍人曹勛

字公顯陽翟人

以上皇手書至自金

上皇在燕山謂閣門宣贊舍人管幹龍德宮曹勛曰我夢四日並出此中原爭立之象不知中原之民尙肯推戴康王否因出御衣絹半臂親書其領中曰便可卽真來救父母又諭勛曰如見康王第言有清中原之策悉舉行之毋以我爲念又言藝祖有舊約藏之太廟不殺大臣及言事官違者不祥康王夫人邢氏聞勛南還亦脫所御金環使內侍持付勛曰幸爲我白大王願如此環得早相見也勛遂間行至南京以御衣進帝泣以示輔臣勛因建議募死士入海至金東境奉上皇由海道

曹勛聞關冒險遠致手書
高宗苟篤念親闡自當酬

以爵賞留之左右以備詳
詢卽其建議由海道迎還
策雖難行而言實無罪何
執政必欲置之外地高宗
亦且棄之如遺乎蓋奉迎
之說本非其所樂聞勛首
陳正論而擯斥隨之其隱
微于是不可掩矣

御批歷代通鑑輯覽卷之八十三
歸執政難之出勛于外

命都統制王淵等分討江淮羣盜

自宣和末羣盜蜂起至是祝靖薛廣党忠閻僅王存之
徒皆招安赴行在李綱言今日正當因其力而用之如
銅馬綠林黃巾之比然不移其部曲則易叛而徙之則
致疑正當以術制之使由而不知乃命御營司分揀凡
潰兵願歸營與良農願歸業者皆聽所發至數萬其他
以新法團結分隸諸將由是無叛去者獨淮寧之杜用
山東之李昇河北之丁順皆擁兵數萬而拱單州皆有
潰卒數千爲亂綱以招安則彼無畏憚勢難遽平乃白
遣淵與韓世忠劉光世張俊分討之旣而光世遣部將

擊李昱斬之。淵殺杜用。丁順赴河北招討司自效。盜自

是少衰。

時又有關中賊史彬。僭號稱帝。進犯興州。又趙萬張遇。皆以潰軍為盜。萬襲常州。執守臣何衰。

遂陷鎮江。

知府趙子崧遁。伴瓜洲。遇自淮西渡江。縱掠

池州。驅丁壯以益其軍。

未幾。王淵誘萬誅之。明年。淵復

招降張遇。

以其兵萬人屬韓世忠。史彬寇漢中。不克。引

兵欲取長安。

曲端遣吳玠擊斬之。曲端。字正甫。鎮戎

人。吳玠。字晉卿。

隴干人。徙永洛。

金初稅牛具。

續綱目繫于靖康元年十一月。今依金史太宗紀。

每牛三頭為一具。每具賦粟五斗。

八月。杭州軍亂。

軍校陳通作亂。執帥臣葉夢得。殺轉運判官吳昉等。命

御營統制辛道宗討之。兵潰于秀州。尋以王淵為制置

盜賊使。淵入杭州。執通等誅之。

陳通之叛也。知秀州權兩浙提刑趙叔近以數

騎入城中。諭以禍福。衆感服。叔近因請赦之。臺諫不可。事遂寢。已而王淵兵至。淵與叔近有宿憾。既誅通。遂誣叔近通賊。奪職。拘于州。以朱芾代之。芾殘虐。軍民怨憤。明年。小校徐明囚芾。奉叔近領郡事。叔近撫定之。請擇守臣于朝。奏未達。朝廷命張俊致討。俊。淵部將也。希淵旨。以叔近從賊。遽殺之。明等見叔近死。乘城縱火。俊斬關入。捕明。送行在。後臺臣有訟叔近冤者。詔贈官。趙叔近。秦悼王廷美五世孫。

元祐太后如揚州。

帝從黃潛善。汪伯彥言。將幸揚州。以避敵。詔副都指揮使郭仲荀。奉太后先行。六官及衛士家屬皆從。遣使詣汴京。迎奉太廟神主赴行在。

以李綱。黃潛善爲尚書左右僕射兼門下中書侍郎。

綱嘗侍帝。論及靖康時事。帝曰。淵聖勤于政事。省覽章奏。至終夜不寐。然卒至播遷。何也。綱對曰。人主之職在

知人進君子退小人則大功可成。否則衡石程書無益也。因勉帝以明恕盡人言。恭儉足國用。英果斷大事。帝嘉納之。綱所論諫其言切直。帝初無不容納。至是惑于黃潛善。注伯彥之言。常留中不報。

更號元祐太后曰隆祐太后。

尙書省言元字犯后祖諱。請易以所居官名。從之。

召河東經制副使傅亮還行在。罷李綱提舉洞霄宮。

傅亮軍行十餘日。黃潛善等以爲逗遛。令東京留守宗

澤節制亮軍。即日渡河。亮言措置未就而渡河。恐誤國

事。李綱爲之請。潛善等不以爲然。綱言招撫經制二司

臣所建明。而張所傅亮又臣所薦用。今黃潛善注伯彥

傅亮奉命經制不迎勵衆
遯征徒爾遯遯曠日已不
得謂之盡心王事不過畏
懼金兵不敢輕進託言持
重非如此怯懦之人奚堪

復膺奇幸綱特以已所薦用曲爲迴護忿色力爭則不免因私廢公矣且後此永興淪陷亮首先奪門而降綱暗于知人其能無愧于心乎

沮所亮所以沮臣。臣每鑒靖康大臣不和之失。事未嘗不與潛善。伯彥議而後行。而二人設心如此。願陛下虛心觀之。旣而召亮赴行在。綱言聖意必欲罷亮。乞付黃潛善施行。臣得乞身歸田里。綱退而亮竟罷。綱乃再疏求去。帝曰。卿所爭細事。胡乃爾。綱言。方今人材將帥爲急。恐非小事。臣昨議遷幸。與潛善。伯彥異。宜爲所嫉。然臣東南人。豈不願陛下東下。爲安便哉。願一去中原。後患有不可勝言者。願陛下以宗社爲心。以生靈爲意。以二聖未還爲念。勿以臣去而改其議。臣雖去左右。不敢一日忘陛下。泣辭而退。或曰。公決于進退。于義得矣。如讒者何。綱曰。吾知盡事君之道。不可則全進退之節。患

禍非所恤也。會侍御史張浚劾綱以私意殺宋齊愈且論其買馬招軍之罪。潛善、伯彥等復力排綱，請帝法之。遂罷綱爲觀文殿大學士，浚論綱不已，乃落職，止提舉洞霄宮。綱在相位凡七十七日。綱罷而招撫經制司廢，車駕遂東幸。兩河郡縣相繼淪陷，凡綱所規畫軍民之政，一切廢罷。金兵益熾，關輔殘毀，而中原盜賊蠭起矣。

殺太學生陳東。布衣歐陽澈

字德明，崇仁人。

東自丹陽召至，未得對。會李綱罷，乃上書乞留綱而罷黃潛善。汪伯彥不報。又上疏請帝親征，以還二聖。治諸將不進兵之罪，以作士氣。車駕宜還京師，勿幸金陵。又不報。潛善揭示綱請幸金陵舊奏，東言綱在途中不知

事體宜以後說爲正。會撫州布衣歐陽澈徒步詣行在。伏闕上書。極詆用事大臣。潛善遽以語激怒帝。言若不亟誅。將復鼓衆伏闕。書獨下潛善所。府尹孟庾召東議事。東請食而行。手書區處家事。字畫如平時。已乃授其從者曰。我死。爾歸致此于吾親。食已如廁。吏有難色。東笑曰。我陳東也。畏死。卽不敢言。已言肯逃死乎。吏曰。我亦知公。安敢相迫。頃之東具冠帶。出別同邸。乃與澈同斬于市。四明李猷贖尸瘞之。東初未識綱。特以國故爲之死。識與不識。皆爲流涕。

許翰罷

李綱旣罷。翰言綱忠義英發。舍之無以佐中興。今罷綱。

臣留無益。力求去。帝不許。及陳東見殺。翰謂所親曰。吾與東皆爭李綱者。東戮于市。吾在廟堂。可乎。乃爲東澈著哀辭。而八上章求罷。遂以資政殿大學士提舉洞霄宮。

九月。封子塼爲魏國公。

安置河北招撫使張所于嶺南。

都統制王彥等渡河。敗金人于新鄉。注見前。進次太行。太行第三

陘曰白陘。在衛輝府輝縣西。金人圍之。彥兵潰。走保共城。注見前。

彥帥岳飛等十一將。部七千人。渡河至新鄉。金兵盛。彥不敢進。飛獨引所部鏖戰。奪其纛而舞。諸軍爭奮。遂復新鄉。明日戰于侯兆川。亦曰侯趙川。在輝縣西北。飛身有闕。重山四障。險隘天成。

被十餘創。士皆死戰。又敗之。會食盡。詣彦壁乞糧。彦不

許。飛引兵益北。與金人戰于太行山。擒其將拓跋雅爾

烏。

舊作耶烏。今改。後仿此。

居數日。又與敵遇。飛單騎持丈八鐵鎗。

刺殺其將黑風大王。金人敗走。飛知彦不悅已。遂率所

部復歸宗澤。澤復以爲統制。彦以屢勝。因傳檄州郡。金

人以爲大軍至。率騎數萬。薄彦壘。圍之數匝。彦以衆寡

不敵。潰圍出走。諸將敗去。彦獨保共城西山。卽太行山。遣腹

心結兩河豪傑。圖再舉。金人購求彦急。彦慮變。夜寢屢

遷。其部曲覺之。相率刺面。作赤心報國誓。殺金賊八字。

文獻通考。王彦聚兵太行山。皆涅其面曰。誓殺金賊。不負趙皇。故號八字軍。與此稍異。以示無他

意。彦益感勵。撫愛士卒。與同甘苦。未幾。兩河響應。忠義

邦昌當誅之罪方僭逆時已無可寬使早肆市朝申大義于天下豈不足以快人心而勵臣節乃因循不斷顯戮久稽至此乃假曖昧之事令自引決高宗此舉可爲兩失之矣

民兵首領傅選孟德劉澤焦文通等皆附之衆十餘萬。綿亘數百里皆受彥約束。金人患之。召其首領俾以大兵破彥壘。首領跪而泣曰。王都統砦堅如鐵石。未易圖也。金人乃間遣騎兵撓彥糧道。彥勒兵待之。斬獲甚衆。張邦昌伏誅。

初。邦昌僭居禁中。華國靖恭夫人李氏。數以果實奉邦昌。邦昌亦厚答之。一夕。邦昌被酒。李氏擁之曰。大家事已至此。尚何言。因以赭色半臂加邦昌身。掖入福寧殿。夜飾養女陳氏以進。及邦昌還東府。李氏私送之。語斥乘輿。至是事聞。下李氏于獄。詞伏。詔馬伸如潭。數邦昌之罪。賜死。併誅王時雍等。

金盡破河北州郡。

金多昂摩破河間府雄州。達賚

後改名昌。穆宗之子。

破祁保州。永

寧順安軍。

二軍皆宋置。永寧今保定府高陽縣是。餘注俱見前。

惟慶

源府邢洛冀磁相州久之乃破

冬十月帝如揚州。

先是黃潛善汪伯彥力主幸東南會金人攻河陽汜水

軍許景衡

字少伊溫州遂安人。

亦言建康天險可據帝從之詔淮

浙沿海諸州增修城壁招訓民兵以備海道又命揚州

守臣呂頤浩繕修城池至是謀者言金人欲犯江浙詔

暫駐淮甸捍禦稍定卽還京闕有敢妄議惑衆沮巡幸

者許告而罪之不告者斬宗澤上疏極言京師不可棄

黃潛善注伯彥贊議南幸之非。澤前後建議輒為黃注所抑。二人每見澤奏至。皆笑以為狂。于是帝決意幸揚州。十月朔。帝登舟時。兩河雖多破于金。而其民懷朝廷恩。所在結為紅巾。出攻城邑。皆用建炎年號。金人稍稍引去。及聞帝南幸。無不解體。澤復上疏言。欲遣用勅王。各統大軍。盡平賊壘。望陛下早還京闕。臣之此舉。可保萬全。或姦謀蔽。未即還闕。願陛下從臣措畫。勿使姦臣沮抑。以誤社稷大計。陳師鞠旅。盡掃胡塵。然後奉迎。鑾輿還京。以塞姦臣之口。以快天下之心。帝優詔答之。

十一月竄故相李綱于鄂州。

尋責授單州團練使。安置于萬安軍。

今瓊州府萬州。宋為萬安軍。

遣朝奉郎王倫使金。

詔選能專對者使金。問二帝起居。倫出應詔。乃假倫刑。

部侍郎充大金通問使。閤門舍人朱弁字少章。徽州婺源人。副之。

至雲中。見尼瑪哈議事。時金方大舉南下。倫邀說百端。

尼瑪哈不聽。使就館守之以兵。先是淵聖自雲中徙燕山。始與太上皇相見。居

于愍忠寺。至是並遷于霽郡。霽古溪國也。在燕山北千里。既至。居相府院。嗣濮王仲理等千八百人。尚在燕。金

人計口給糧。監視嚴密。死者甚衆。

知密州趙野棄城走。為其下所殺。

野見山東盜賊充斥。帝如淮甸。乃攜其家棄城走。軍校

杜彥等乘間作亂。自為知州。遣人追野殺之。

十二月。金人分道南下。遂破西京。留守孫昭遠走死。河東

經制使王夔引兵遁蜀。

金人聞帝如揚州。起燕京等八路民兵。分三道南侵。尼

瑪哈自雪中下太行。由河陽渡河。攻河南。分遣尼楚赫

等攻漢上鄂爾多。

後改名宗輔。金太祖之子。世宗之父。按鄂爾多舊作託里多。今改。後仿此。

烏珠。

後改名宗弼。太祖第四子。按烏珠舊作兀木。今改。

自燕山由滄洲渡河。攻

山東。分阿里富瑋。緡。

海蘭路烏勒呼多。懽山人。按富瑋緡舊作蒲盧渾。海蘭路烏勒呼多。

懽山。舊作曷懶路。烏古敵昏山。今改。

軍趨淮南。洛索與薩里干。

和勒博散之子。後改。

名杲。按薩里干。舊作撒离喝。和勒博散。舊作瑚魯補善。今並改。

哈富。

舊作黑鋒。今改。

自同州渡

河。攻陝西。尼瑪哈至汜水關。孫昭遠南走。為叛兵所害。

宗澤聞金人將謀侵汴。遣劉衍趨滑州。劉達趨鄭州。以

分其勢。戒諸將保護河梁。以俟大兵之集。烏珠乃不敢

向汴。夜斷河梁而去。洛索至河中。官軍扼河西岸。不得

渡。乃自韓城履水過。破同華州。沿河安撫使鄭驤。

字潛翁。信。

御批通鑑輯覽卷之六十三

州王赴井死遂破潼關王瓊棄陝州引兵遁入蜀中原

大震

戊申二年金天會六年春正月帝在揚州

金人破鄧州范致虛出奔安撫使劉汲字直夫眉州丹棱人死之京

西州郡皆破

尼瑪哈謀知鄧州將為行在所命尼楚赫急攻之致虛

遁汲分兵守要害自以牙兵四百登陴敵至皆死闔矢

如雨下軍中請汲去汲不聽遂死之初議南陽備巡幸

儲侍甚多悉為金人所有又分兵破襄陽均房唐汝陳

蔡鄭州潁昌府悉遷其民于河北通判鄭州趙伯振太祖

八世孫知潁昌府孫默知汝陽縣郭贊宋史忠義傳皆不

屈而死。

金將烏珠侵東京。宗澤敗之。

金烏珠自鄭抵白沙。

鎮名。在開封府中牟縣西。

去汴京密邇。鄴人震

恐。僚屬入問計。宗澤方對客圍碁。笑曰。何事張皇。劉衍等在外。必能禦敵。乃選精銳數千。使繞出敵後。伏其歸路。金人方與衍戰。伏兵起。前後夾擊之。金人果敗。尼瑪哈據西京。與澤相持。澤遣部將閻中立。郭俊民。李景良等。帥兵趨鄭。遇敵大戰。兵敗。中立死之。俊民降。景良遁去。澤捕景良斬之。既而俊民與金將史姓者。持書來招澤。澤皆斬之。劉衍還。金人復入滑。澤部將張撝往救之。撝至滑。衆寡不敵。或請少避之。撝曰。避而偷生。何面目。

見宗公力戰而死。澤聞搗急，遣王宣往援，已不及。因與金人大戰，破走之。澤以宣知滑州，金自是不復犯東京。澤得金將遼臣王策于河上，解其縛，問金之虛實，得其詳，遂決大舉之計。召諸將謂曰：「汝等有忠義心，當協謀勦敵，期還二聖，以立大功。」言訖泣下。諸將皆聽命。金人屢戰不利，悉引去。澤復上疏請帝還京，曰：「臣爲陛下保陛下不早回，則天下之民何所依戴？不報澤威聲日著，敵聞其名，常尊憚之。」

金人破永興軍，經畧使唐重

字聖任，眉州彭山人。死之。

洛索旣破同華諸州，遂圍永興。時京兆兵皆爲經制使錢蓋調赴行在，重度勢不可支，以書別其父克成，克成報之曰：「汝能以身殉國，吾含笑入地矣。」及金兵圍城，重

與守臣會盟死守。而經制副使傅亮以精銳數百奪門

出降。重遂與副總管楊宗閔

存中。祖。提舉軍馬程迥。字惠老。開

封。提點刑獄郭忠孝。

字立之。河南人。達之子。

轉運副使桑景詢判

官曾謂經畧主管機宜文字王尚等七人俱死。

東平軍校孔彥舟

字巨濟。相州林慮人。

作亂。渡淮寇黃州。

彥舟聞金兵將至山東。遂帥所部刦殺居民。燒廬舍。掠

財物。而南渡淮。犯黃州。

久之。彥舟犯荆南。詔諭降之。以爲湖北提殺使。事在明年十二

月。

金人破濰州。知州事韓浩

琦之孫。死之。

鄂爾多使多昂摩攻濰州。知州韓浩率衆死守。城破。與

通判朱廷傑皆力戰死。金又入青州。尋棄去。

竄內侍邵成章于南雄州。

時所在盜起。汪伯彥黃潛善匿不以聞。成章上疏言二

人必誤國。帝怒。除名。編管南雄州。

以劉豫字彥游。景州阜城人。知濟南府。

豫為河北提刑。金人南侵。豫棄官。避地真州。注見前。張慤

薦之。起知濟南。時盜起山東。豫不願行。請易東南一郡。

執政不許。豫忿而去。

金人侵熙河。都監劉惟輔涇州人。逆擊于新店。地名。在秦州西。破之。

考宋史高宗紀。新店之戰。在是年正月。張嚴之敗。在四月。續綱目併書于二月。而于三月。尼瑪哈焚西京條目云。尼瑪哈道聞嚴已死。則嚴之死。又似在四月以前。本紀所書恐不足據。然新店之戰。則在正月無疑。今依之書綱。而以張嚴之死。分注目下。

汪黃誤國朝野共知。自李綱罷相。廷臣遂無敢抗論其過及陳東以諸生言事見誅。衆人益復箝結相戒。成章以宦豎之微。乃能直陳無隱。可謂庸中佼佼。然至楊園興詠于寺人朝局。益不可問矣。高宗猶復怒其訐直。輒予投荒。何其迷而不悟耶。

洛索既破永興鼓行而西秦州帥臣李績降其勢益張引兵犯熙河經畧使張深遣惟輔以精騎二千入禦之夜趨新店金人恃勝不慮黎明軍進惟輔舞稍刺其帥哈富洞胸墜馬死金人奪氣既而深更檄隴右都護張嚴往追之嚴追洛索至鳳翔竟上銳意擊敵至五里坡洛索伏兵坡下嚴與曲端期不至徑前遇伏戰不利死之五里坡在鳳翔縣西二月河北盜楊進等降于宗澤

楊進聚衆三十萬丁進主再興李貴王大郎等擁衆各數萬往來京西淮南河南北侵掠澤遣人諭以禍福悉招降之有王善者河東巨寇也擁衆七十萬車萬乘欲據京城澤單騎至善營泣謂之曰朝廷危難之時使有如公一二輩豈復有敵患乎今日乃汝立功之秋不可

失也。善感泣曰：敢不効力。遂解甲降。

金人破淮寧。知府向子韶字和卿。開封人。死之。

金人晝夜攻城。子韶率軍民固守。遣人詣宗澤乞援。未

至。城破。金人欲降之。子韶罵不屈。遂為所殺。闔門皆遇

害。事聞。賜諡忠毅。初。金兵至淮寧。楊時聞之。曰：子韶必死矣。蓋知其素守云。

和州防禦使馬擴聚兵于真定五馬山。在正定府贊皇縣東。山有五馬石。因

名。奉信王榛徽宗第十八子。以總制諸砦。

擴奔五馬山砦聚兵。得信王榛于民間。奉之以總制諸

砦。兩河遺民聞風響應。

二月。金尼瑪哈焚西京而去。統制官翟進字先之。河南漢陽人。復之。

詔以進為京西北路安撫使。

尼瑪哈聞張嚴東出自河南西入關以援洛索。盡焚西京廬舍。擄其民而北。時韓世忠以所部萬人受詔赴西京。捉殺盜賊。尼瑪哈復留烏珠屯河陽以待之。翟進得。以其衆復西京。宗澤奏進爲京西北路安撫使。詔從之。尼瑪哈在道。聞張嚴已死。遂自平陸渡河。還雲中。旣而烏珠來攻西京。進與韓世忠迎戰而敗。世忠收餘兵南歸。進復集鄉兵與戰。屢敗之。殺其將翟海。乘勝遂入洛陽。金師益至。斧門而入。進與巷戰。金人引去。時烏珠等聞尼瑪哈渡河。亦留兵戍河陽。北還。

知中山府陳邁爲其下所殺。金人遂破中山。

中山受圍三年。城中糧絕。人皆羸困。不能執兵。知府陳邁欲盡括城中兵力戰。部將沙振潛衷刃入府。害邁。及其子錫等十七人。振出爲帳下卒所殺。摔裂之。身首無

餘城破。金人見邁尸。曰：忠臣也。斂而葬之。

夏四月。金洛索侵涇原。經畧使曲端使吳玠擊之。洛索敗走同華。

洛索既破張巖。勢益張。引兵侵涇原。曲端使吳玠逆擊。

于青溪嶺。在平涼府涇州西南。士殊死鬪。大敗之。金人遂東走同

華。

石壕

鎮名。在陝州東南。唐杜甫詩：暮投石壕村。卽此。尉李彥仙復陝州。

金人得陝。用降者守之。使招集散亡。時彥仙保三砦。屢

敗金師。破其五十餘壁。以計復陝州。及終。解諸縣事。聞

詔彥仙知陝州。兼安撫使。

工部侍郎兼侍講楊時罷。

李彥仙以一尉而能破五十餘壁。可見忠義激發人。足以自効。彼爲大將。擁重兵。而望風奔潰者。實彥仙之罪人也。

帝初卽位。除時工部侍郎。陛對言古聖賢之君。未有不以典學爲務者。除兼侍講。以老。連章丐外。遂以龍圖閣直學士。提舉洞霄宮。旣而以本官致仕。初時在東郡。先達陳瓘。鄒浩。皆以師禮事之。旣渡江。東南學者。推爲程氏正宗。

以信王榛爲河外兵馬都元帥。五月。下詔還京師。不果。

時宗澤招撫羣盜聚城下。又募兵儲糧。召諸將約日渡河。諸將皆掩泣聽命。澤乃上疏。大約言祖宗基業可惜。陛下父母兄弟。蒙塵沙漠。日望救兵。西京陵寢。爲賊所占。今年寒食節。未有祭享之地。而兩河二京。陝右淮甸。百萬生靈。陷于塗炭。乃欲南幸湖外。蓋姦邪之臣。一爲賊虜方便之計。二爲姦邪親屬。皆已津置在南故也。今

前儒謂高宗非不知和議之不可恃恐二帝果還于已不利耳此言實洞見其肺腑觀李綱宗澤等屢請還京言之懇切而卒不見聽及一聞信王入汴卽有擇日還京之詔于仇讐則甘心避之于兄弟則投袂爭之其忌刻出于天性乃知前論固不爲過當也

京城已增固。兵械已足備。人氣已勇銳。望陛下毋沮萬民敵愾之氣。而循東晉既蹙之風。奏至。或言信王榛有渡河入汴之謀。帝乃降詔。擇日還京。旣而不果。

許景衡罷尋卒。

諡忠簡。

時朝廷有大政事。景衡必請間極諫。黃潛善。汪伯彥。以爲異已。因共以渡江南幸之議。爲景衡罪。罷之。景衡行至瓜洲。得喝疾卒。景衡得程頤之學。志慮忠純。議論不以來。執政忠直。遇事敢言。惟許景衡爾。

定詩賦經義試士法。

元祐中。科舉以經義詩賦兼取。紹聖以來。罷試詩賦。至是。命參酌元祐科舉條制。定試士法。中書省請習詩賦。

舉人不兼經義。習經義人止習一經。解試省試。並記數
各取。通定高下。故事。廷試上十名。內侍先以卷奏定。帝
曰。取士當務至公。豈容以它意升降。自
今勿先
進卷。

以宇文虛中充金國祈請使。虛中降金。

虛中時竄韶州。會詔求使絕域者。虛中應詔。乃復資政
殿大學士。充祈請使。稱臣奉表于金。時金人方興兵南
侵。已留王倫朱弁矣。虛中至。金人遣之歸。虛中曰。奉命
北來。求請二帝。二帝未還。虛中不可歸。遂留。時金國初
建制度草創。頗愛虛中有才藝。每加官爵。虛中即受之。
遂與韓昉字公美。燕京人。俱掌制。

詔御營統制韓世忠。會宗澤以禦金。王彥引兵屯滑州。

時得報。金人分道渡河。詔世忠與澤率所部迎敵。澤聞王彥聚兵太行山。欲大舉趨太原。澤卽以彥爲忠州防禦使。制置河北軍事。恐彥孤軍不可獨進。召彥計事。彥悉召諸寨。指授方略。以俟會合。乃以萬餘人先發。金人以重兵躡其後。而不敢擊。旣至汴。澤令宿兵近甸。以衛根本。彥遂屯滑州之沙店。澤上疏曰。臣欲乘此暑月。遣相。等州。王再興等。自鄭州趨護。西京陵寢。馬擴等自大名取洛相。真定。楊進。王善。丁進等。各以所領兵分路並進。旣渡河。則山寨忠義之民。相應者不啻百萬。願陛下早還京師。臣當躬冒矢石。爲諸將先。中興之業。必可立致。疏入。黃潛善等忌澤成功。從中沮之。沙店。城名。在衛輝府滑縣西南。金洛索大掠而東。遂破絳州。

初。宗澤奉制。以王庶

字子尚。慶源人。

爲陝西制置使。曲端爲河

東經制使未幾。錢蓋聞金破長安。檄庶兼節制環慶涇
原兵。既而金人東還。庶以金人重載。可襲取勝。移文兩
路協力更戰。而環慶帥王似湮原帥席貢不欲受庶節
度。遂具文以報。而實不出兵。金人至清溪。爲吳玠所扼。
至咸陽。望渭南義兵滿野。不得渡。遂循渭而東。其支軍
入鄜延。攻康定。金史地理志鄜州。宋置康定軍節度。庶急遣兵斷河橋。又
令劉延亮屯神水峽。在西安府同官縣東北。兩崖峻削。道從石峽中行。至爲險阻。舊設金
鎖關于此。斷其歸路。金人遂去。曲端乘寇退。復下秦州。端雅
不欲屬庶。會延亮自鳳翔歸。端斬之。庶猶以書約似貢。
欲逼餘寇渡河。復限大河自守。似貢竟不應。時絳州猶
爲國拒守。洛索還軍破之。既而詔以王庶節制陝西諸軍。曲端爲都統制。會陝西撫

後漢書卷之八十三

諭使謝亮持詔賜夏國庶遺書曰大夫出疆有可以安社稷利國家專之可也夏人之患小而緩金人之禍大而迫方此虜挫銳于熙河奔北于本路于女玉帛不知紀極占據同華畏暑休兵閣下能仗節督諸路協同義舉爭先並進亦可以驅逐渡河全秦奠枕徐圖恢復亮不聽

六月京畿淮甸蝗

秋七月東京留守宗澤卒諡忠簡以杜充字公美相人代之

澤前後請帝還京二十餘奏每為黃潛善汪伯彥所抑潛善伯彥又疑澤為變以郭仲荀為副留守以察之澤憂憤成疾疽發于背諸將入問疾澤矍然曰吾以二帝蒙塵憤憤至此汝等能殲敵則吾死無恨眾皆流涕曰敢不盡力諸將出澤歎曰出師未捷身先死長使英雄淚滿襟無一語及家事但連呼過河者三而卒都人號

勸計聞。贈觀文殿學士澤子穎居戎幕。素得士心。都人請以穎繼父任。時已命杜充代澤。不許充酈而無謀。至汴。悉反澤所爲。于是豪傑離心。降盜聚城下者。復去剽掠矣。未幾。楊進丁進王善等相繼皆叛。楊進掠汝洛間。衆至數萬。翟進擊之。追奔數十里。馬驚墜輦。爲賊所害。已而楊進南走。翟興邀擊于魯山。進中流矢死。餘衆悉潰。丁進寇淮西。劉正彥誘降之。尋爲王淵所誅。王善與叛將張用駐京西。兵馬連亘光壽千里。不斷所至。擄掠一空。翟興字公祥。進之兄。劉正彥法之子。

八月。作御寶。

金之入汴也。九寶惟大宋受命寶及定命寶在。于是帝作寶三。一曰皇帝欽崇國祀之寶。二曰天下合同之寶。

三曰書詔之寶。

後紹興元年。復作大宋中興寶。

貶殿中侍御史馬伸監濮州酒稅。卒于道。

御批歷代通鑑輯覽

卷之八十三

三

伸自湖南還上疏言黃潛善注伯彥不法十七事乞速

罷二人政柄別選賢者共圖大事疏入留中明日改授

衛尉少卿伸辭不拜錄其疏申御史臺且言臣論可采

即乞施行非是合坐誣罔之罪因移疾待命詔伸言事

不實送吏部責監濮州酒稅趣使上道伸怡然襆被而

行竟卒道中聞者冤之伸學于程頤勇于爲義每日吾志在行道以富貴爲心則爲富

貴所累以妻子爲念則爲妻子所奪道不可行也

以趙子砥太祖後令珣之子知台州

子砥至燕山遁歸命輔臣問北事甚悉子砥大畧言金

人講和以用兵我國歛兵以待和吾國與金勢不兩立

昔契丹主和議女真主用兵十餘年間竟滅契丹今復

蹈其轍。譬人畏虎。以肉餵之。食盡。終于噬人。若設陷穽。以待之。然後可以制虎矣。遂命知台州。

河北京東捉殺使李成

字伯文。雄州歸信人。

叛。詔江淮制置使劉光

世討之。

光世至光州。大破成衆。招降二萬餘人。成遁去。

已而成黨郭仲

威攻陷淮陽。成轉掠淮北。

陷泗州。遂據其城。帝降詔撫諭。命成知泗州事。未幾。成復陷滁州。殺安撫向子及。

諸官屬。時又有淮盜劉忠。攻陷舒州。通判孫知微被執。不屈。忠怒。嚮而食之。

事俱在明年。

金主廢宋上皇爲昏德公。靖康帝爲重昏侯。徙之韓州。

遼置

元省。故城在今奉天府開原縣東北。

二帝赴上京。金主命以素服見金太祖廟。遂見金主于

乾元殿。金主封太上皇爲昏德公。靖康帝爲重昏侯。未

幾徙之韓州。令下之日。盡空其城。命晉康郡王孝騫等九百餘人。至韓州同處。給田十五頃。令種蒔以自給。惟秦檜不與徙。依達賚以居。達賚亦厚待之。

九月。金將鄂爾多襲破信王榛于五馬山砦。遂會尼瑪哈南侵。

初。馬擴自五馬山詣行在。黃潛善。汪伯彥疑其非真。及行。授密旨。使稽察信王榛。且令擴聽諸路節制。擴知事不成。遂留大名不進。金鄂爾多恐擴以援兵至。急發兵攻五馬山諸砦。斷其汲路。諸砦皆陷。榛亡走。不知所終。鄂爾多旣破諸砦。探知擴兵南來。使人馳會尼瑪哈。未至。鄂爾多敗擴軍于清平。尼瑪哈聞之。遂由黎陽渡河。

與鄂爾多會兵以攻瀋漢。

冬十月隆祐太后如杭州。

侍御史張浚請先定六宮所居地。詔孟忠厚。

字仲隆。祐太后兄。

子。奉太后及六宮皇子如杭州。以苗傅。劉正彥為扈從。

都副統制。

知濮州楊粹中。

正定府人。

襲破金尼瑪哈軍。十一月金人破濮

州。粹中死之。

尼瑪哈鄂爾多合兵圍濮州。以濮州小易之。至城下。知

州楊粹中固守。命將姚端夜擣其營。尼瑪哈跣足走。僅

以身免。遂攻城益急。凡三十三日而破。粹中被執。竟不

屈而死。

是月金烏珠破開德府。守臣王棣死之。又破相州。守臣趙不試死之。趙不試。太宗六世孫。

浚前此劾罷李綱力為汪黃之地已屬巧于迎合而建都杭州之議復自浚倡之蓋高宗意在幸浙浚已窺測而知故婉言之以發其端正其工于立說耳然浚他日銳意出師尚知盡心國事而致身之始乃由詭遇豈非熱中之為累乎

金洛索破延安。王庶使曲端將兵救之。端次于襄樂。

漢縣屬上

郡。後魏徙置于北地郡。故城在今慶陽府寧州。不進。

庶至京兆。庶不欲屬庶。凡有命多託辭不行。庶無如之。

何令還端涇原。時金洛索渡河。謀知庶端不協。乃併兵

攻鄜延。庶調兵自沿河至馮翊。據險以守。金人先已乘

冰渡河。犯晉寧。

今陝西葭州。宋元符初置晉寧軍。

侵丹州。

注見前。

又渡清

水河。

注亦見前。

破潼關。秦隴皆震。庶傳檄諸路。會兵禦之。時

端盡統涇原精兵駐淳化。

宋縣。今屬邠州。

庶日移文趣端進。端

不聽。而遣其副將吳玠復華州。自引兵迂道自邠之三

水。

漢縣。屬安定郡。後魏徙置于枸邑。今縣屬邠州。

與玠會于襄樂。金攻延安急。

庶自坊州收散亡往援。知興元府王夔亦將所部兵赴

之。比庶至甘泉。

唐縣今屬延安府

延安已破。

通判魏彥明不屈而死。彥明開封

人。庶無所歸。以兵付瓚。自將百騎與官屬馳赴襄樂。勞

軍。猶以節制望端。欲倚以自副。端彌不平。見庶。問延安

失守狀。謀殺之。不果。乃拘其官屬。奪其節制。使印。會庶

自劾。得詔。罷守京兆。乃去。

時王瓚將兩軍在慶陽。端使其統制張中孚往召之。曰。瓚

若不聽。則斬以來。會瓚已去。迫之不及。張中孚字信甫。張義堡人。

金始撰國史

女真初未有文字。尼瑪哈好訪問女真老人。多得其祖

宗遺事。及金主嗣位。韓昉輩皆在左右。文學之士稍見

拔擢。至是。詔採摭遺言舊事。以備國史。命烏延

後改名最。字勉

道。穆宗盈格第五子。按烏延舊作烏野。今改。後仿此。與耶律迪越掌之。

以魏行司

建州建安人

假禮部侍郎使金軍。

行可應募使金軍。見金人于瀋淵。金人知其布衣借官待之甚薄。因留不遣。行可嘗貽書金人。警以不戢自焚之禍。竟卒于金。

朝享祖宗神主于壽寧寺。

郊大赦。

金人侵晉寧軍。知軍事徐徽言

字彥猷。衢州建安人。

拒卻之。知府州

折可求叛降金。

先是徽言陰結汾晉土豪。約以復故地。則奏官爲守長。聽其世襲。會朝論與金結和。抑其所請。金忌徽言欲速拔晉寧以除其患。旣破延安。遂自綏德渡河。圍之三月。

徽言屢破卻之。至是。徽言約可求出兵夾攻金人洛索。聞之。執可求之子彥文。使爲書招可求。可求遂以所屬麟府豐三州降金。可求與徽言連姻。金人使招徽言于城下。徽言引弓射之。可求走。徽言引兵擊金人。大敗之。斬洛索之子。

十二月。劉豫叛降金。

達賚圍濟南。劉豫遣子麟禦卻之。達賚遣人啗豫以利。豫懲前忿。遂殺濟南驍將關勝。率百姓降金。百姓不從。豫縋城納款。

金鄂爾多破北京。提刑郭永

元城人。

死之。

鄂爾多攻大名急。守臣張益謙欲遁。永曰。北門所以遮

梁宋敵得志。則朝廷危矣。因自率兵晝夜乘城。且縋死士。告急于行在。會大霧四塞。城遂破。益謙與轉運判官裴億迎降。鄂爾多問曰。城破乃降。何也。二人以永不從爲辭。鄂爾多遣騎召永謂曰。沮降者誰。永曰。不降者我。鄂爾多以富貴啗之。永罵曰。無知犬豕。恨不醢爾以報國。何說降乎。鄂爾多怒。併其家屬皆殺之。

以黃潛善。汪伯彥爲尚書左右僕射。兼門下中書侍郎。顏岐。朱勝非爲門下中書侍郎。

高宗信任汪黃幾如宣和之寵用京黼。惟時可求劉豫相繼叛降。李成劉忠共起爲盜。而河北山東諸郡縣多入于金。皆事之顯而易見。指乃囚二人。朦惑置若罔聞。聽其擅權恣橫。方自謂命相得人。冀資左右。

無謀畧。專權自恣。東京委之御史。南京委之留臺。泗州

輔弼之益。得者此豈復
可。望其有恢復中原之志
哉。

委之郡守言事者不納其說。請兵者不以上聞。金兵日
南。而潛善等以爲李成餘黨。無足慮者。

金尼瑪哈破襲慶府。

今竟州府。宋政
和中爲襲慶府。

軍士有欲發孔子墓者。尼瑪哈問其通事高慶裔曰。孔
子何人。曰。古之大聖人。尼瑪哈曰。大聖人墓安可發。遂
殺軍士。

以禮部侍郎張浚參贊御營軍事。

浚極言金人必來。請豫爲備。黃潛善注伯彥以爲過計
而笑之。命浚參贊軍事。與呂頤浩教習河朔民兵。

從其厚仁金車覽

卷之八

三

御批歷代通鑑輯覽卷之八十四

宋

高宗皇帝

已酉建炎三年

金天會七年

春正月河北制置使王彥致仕。

彥以所部兵馬付東京留守司而親率兵趨行在。見黃潛善。汪伯彥力陳兩河忠義延頸以望王師。願因人心大舉北伐。言辭憤激。二人大怒。遂請降旨免對。差充御營平寇統領。彥遂稱疾致仕。

金尼瑪哈破徐州。知州事王復死之。

金人圍城。復與子倚率軍兵力戰。外援不至。城破。復謂尼瑪哈曰。死守者我也。願殺我而舍僚吏百姓。尼瑪哈

欲降之復嫚罵求死闔門百口皆被殺

韓世忠會兵救濮州至沐陽後周縣今屬江南海州兵潰金尼瑪哈

遂入淮泗

世忠屯淮陽北周縣後廢故城在今泗州會山東兵以援濮州尼瑪

哈聞之分兵萬人趨揚州自率大軍迎戰世忠以眾寡

不敵夜引還尼瑪哈躡之至沐陽世忠棄軍走鹽城本漢

鹽漬晉更名今縣屬淮安府眾遂潰張遇戰死尼瑪哈入淮陽以騎

兵三千取彭城間道趨淮東入泗州

二月詔劉光世將兵阻淮以拒金光世兵潰走還金尼瑪

哈遂破天長軍本唐縣宋改軍尋仍為縣今屬泗州帝奔鎮江

詔江淮制置使劉光世阻淮以拒金人敵未至而軍自

韓世忠方會兵援濮其兵力必不甚微臨陣果奮勇爭先未嘗不可以寡敵眾卽不能與戰豈非不足自守何遽棄軍而走坐使金人乘勝長驅乎高宗自是不復再至江北偏安之局實成于此世忠名將畏憚尙然劉光世之望風輒潰更不足責矣

潰尼瑪哈至楚州。守臣朱琳降。遂乘勝而南。破天長軍。
內侍鄺詢報金兵至。帝卽被甲乘騎。馳至瓜洲。得小舟。
渡江。惟護聖軍卒數人。及王淵。張浚。內侍康履等從行。
日暮至鎮江府。時汪伯彥。黃潛善率同列聽浮屠克勤。
說法罷。會食堂。吏大呼曰。駕已行矣。二人相顧蒼黃。乃
戎服策馬南馳。居民爭門而出。死者相枕藉。無不怨憤。
司馬卿黃鏐至江上。軍士以爲潛善。罵之曰。誤國誤民。
皆汝之罪。鏐方辯其非是。而首已斷矣。是日金將馬武。
舊作馬五。今改。帥五百騎先馳至揚州城下。聞帝已南行。乃追
至揚子橋。時事起倉卒。朝廷儀物皆委棄。太常少卿季
陵。字延仲。處州龍泉人。亟取九廟神主以行。出城未數里。回望城

中烟焰燭天陵爲金人所追亡太祖神主于道。

帝如杭州以呂頤浩簽書樞密院事守鎮江。

帝至鎮江宿于府治翌日召從臣問去留吏部尙書呂

頤浩乞留蹕以爲江北聲援羣臣皆以爲然王淵獨言。

鎮江止可捍一面若金人自通州渡江以據姑蘇將若

之何不如錢塘有重江之險帝意遂決命留朱勝非守

鎮江以江淮制置使劉光世充行在五軍制置使控扼

江口。續綱目于帝意遂決下作以頤浩爲江淮制置使。

紀二月癸丑以吏部尙書呂頤浩爲資政殿大學士江

淮制置使劉光世充行在五軍制置使是江淮制置使

乃劉光世之官綱目誤系于呂頤浩殊爲疎謬再考高

宗紀是月庚申次崇德縣拜呂頤浩兩浙江淮制置使

續綱目既誤書于前又複書于後一官再命尤爲舛錯

今依本紀改輯而于頤浩爲資政殿大學士不另立綱

附注是夕發鎮江。越四日。次平江。今蘇州府。宋命朱勝于此。

非節制平江秀州軍馬張浚副之。留王淵守平江。又二

日。次崇德。五代吳越縣。今改石門。屬嘉興府。時呂頤浩從行。即拜同簽

書樞密院事。江淮兩浙制置使。以兵二千還屯京口。又

命張俊以兵八千守吳江。吳越縣。今屬蘇州府。

遣閤門祇候劉俊民使金軍。詔錄用張邦昌親屬。

仍命俊民持邦昌貽金人約和書藁以行。

金洛索破晉寧軍。徐徽言死之。

洛索破晉寧軍。徽言據子城拒戰。不勝。欲自殺。左右持

之。金人猝至。挾徽言以去。使之拜。不拜。臨之以兵。不動。

命折可求諭使降。徽言大罵。洛索殺之。統制孫昂。羽之子。

及士卒皆不屈被害。事聞。贈徽言晉州觀察使諡忠壯。洛索遂進破鄜

坊二州。又破鞏州。

帝至杭州赦。

帝駐蹕杭州。卽州治爲行宮。下詔罪已。求直言。赦死罪

以下。放還士大夫被竄斥者。惟李綱不赦。更不放還。蓋

用黃潛善計。罪綱以謝金也。和州防禦使馬擴。應詔上

李綱既退未聞金人因而罷兵則罪綱以謝金之說謬妄已可槩見况前此顏岐論秦高宗曾斥其非乃因潛善欲排異已遂從其說使綱不得與干赦令何其自相矛盾耶

其失有六。今願陛下幸巴蜀。用陝右之兵。留重臣使鎮江南。撫淮甸。破金人之計。回天下之心。是爲上策。都

守武昌。襟帶荆湖。控引川廣。招集義兵。屯布上流。扼據形勢。密約河南諸路豪傑。許以得地世守。是爲中策。駐

蹕金陵。備禦江口。通達漕運。精習水軍。厚激將士。以幸一勝。觀敵事勢。豫備遷徙。是爲下策。若倚長江爲可恃。

幸金人之不來。猶豫遷延。候至秋冬。金人再舉。驅虜舟楫。江淮千里。數道並進。至此後悔。是爲無策。擴累數千

言。皆切事機。

金人焚揚州而去。

呂頤浩遣陳彥渡江。襲金餘兵。復揚州。

黃潛善。汪伯彥。以罪免。

潛善。伯彥。至杭州。聯疏言。艱難之時。不敢具文求退。綱續

目作聯疏求退。今依宋史本傳。中丞張澂論二人大罪二十。致陛下蒙

塵。天下怨懟。乞加罪斥。乃罷潛善。知江寧府。伯彥知洪州。潛善猥持國柄。嫉害忠良。逐李綱。沮宗澤。臺諫內侍。言者。隨陷以奇禍。中外切齒。而帝不悟。伯彥則居位日淺。論者或未減其罪云。

贈陳東歐陽澈官

仍官其親屬一人恤其家。又召馬伸赴行在。時伸已卒。詔贈直龍圖閣。

三月日中有黑子。

以朱勝非爲尙書右僕射兼中書侍郎。命張浚駐平江。

以王淵同簽書樞密院事。

王淵督船江上玩譔濟軍。且忿劉光世之言擅殺皇甫佐。以卽過實。罪所必誅。不聞高宗治其罪。忽轉還顯職。賞罰已爲倒置。且欲以免進呈書押掩飾調停。尤爲謬舉。雖賊臣倡亂。不盡由此而指施失當。實釀禍之一端也。

先是帝渡江。劉光世見帝泣曰。王淵專管江上海船。每言緩急不誤。今臣所部數萬騎。二千餘不能濟。淵忿其言。斬江北都巡檢使皇甫佐以自解。朱勝非馳見淵督之。淵始經畫已無所及。遂失諸將心。至是制下。諸將籍籍。帝乃命淵免進呈書押。

扈從統制苗傅。劉正彥作亂。殺王淵。及內侍康履等。劫帝傳位于魏國公塲。請隆祐太后臨朝。

苗傅自負世將。以王淵驟遷顯職。心不平之。而劉正彥

亦以招降劇盜。功大。賞薄。怨上。二人因相結。時內使康履藍珪侍恩用事。履尤妄作威福。凌忽諸將。諸將嫉之。會內侍臨浙觀潮。供帳遮道。傅等怒曰。汝輩使天子顛沛至此。猶敢爾耶。中大夫王世修亦嫉內侍恣橫。言于正彥。正彥曰。會當共除之。及王淵入樞府。傅等疑其由內侍以進。遂與世修謀先斬淵。然後殺宦者。議既定。時以劉光世爲殿前都指揮使。百官入聽宣制。傅正彥令世修伏兵城北橋下。俟淵退朝。卽猝下馬。誣以結宦者謀反。正彥手斬淵。卽與傅擁兵至行宮門外。梟淵首于行闕。分捕內侍皆殺之。履馳入宮白帝。帝大驚。朱勝非急趨樓上詰傅等擅殺之故。中軍統制吳湛守宮門。引

傅黨入內。奏曰。傅等不負國家。止爲天下除害耳。知杭州康允之。見事急。請帝御樓撫諭之。日將午。帝登樓。傅等望見黃蓋。猶山呼而拜。帝憑欄呼傅等問故。傅厲聲對曰。陛下信任中官。賞罰不公。軍士有功者不賞。內侍所主得官。黃潛善。汪伯彥。誤國至此。猶未遠竄。王淵遇賊不戰。首先渡江。因交康履。乃除樞密。臣自陛下卽位以來。功多賞薄。臣已將王淵斬首。中官在外者皆誅訖。更乞康履。會擇誅之。以謝三軍。帝曰。潛善。伯彥。已降黜。履擇當重與降責。卿等可歸營。傅曰。天下生靈無辜。肝腦塗地。止緣中官擅權。若不斬履。擇臣不還營。帝猶未許。逾時。傅兵不退。帝不得已。命湛執履與之。傅卽于樓

下腰斬履。斮其肉。梟首與淵首相望。并捕擇斬之編管。藍珪于遠州。帝諭傅等歸營。傅等進曰。陛下不當卽大位。將來淵聖皇帝來歸。未知何以處之。帝命朱勝非繼樓下曲諭之。傅請隆祐太后同聽政。及遣人使金議和。帝許之。卽下詔請隆祐太后垂簾。傅等聞詔不拜。曰。自有皇太子可立。况道君皇帝已有故事。勝非還白帝。帝曰。朕當退避。但須太后手詔也。乃遣顏岐入內。請太后御樓。太后至。帝立楹側。從官請帝坐。帝曰。不當坐此矣。太后因乘肩輿下樓出門。見傅等諭之曰。白道君皇帝任蔡京。王黼。更祖宗法度。童貫起邊事。所以招致金人之禍。豈關今上皇帝事。况皇帝初無失德。止爲黃潛善

朱勝非日擊賊人陵逼乘
輿不能奮身紆難繼樓往
返徒代賊傳言未聞有所
捍掇已乖大臣安危相倚
之義及隆祐太后出門宣
諭義正辭嚴勝非在側使
能引伸曉解不以禍福安
危不可折羣賊之氣以杜
逆謀乃始終緘口不語雖
聞太后謂讓尚爾然轉
讓尚宗子書禪詔致成廢
立之勢誠不知其是何師
也師亦求濟以徐圖
復次亦權宜應變云云

汪伯彥所誤。今已竄逐。統制豈不知之。傳等對曰。臣等
必欲太后爲天下主。奉皇子爲帝。后曰。今彊敵在前。吾
以一婦人。抱三歲兒決事。何以令天下。敵國聞之。豈不
轉加輕侮。傳等不從。后顧勝非曰。今日政須大臣果決。
相公何無一言。勝非還白帝曰。傳等腹心有王鈞甫者。
適語臣云。二將忠有餘而學不足。此語可爲後圖之緒。
帝乃卽坐上作詔。禪位于皇子。而請太后同聽政。宣詔
畢。傳等麾其軍退。于是皇子勇卽位。太后垂簾決事。尊
帝爲睿聖仁孝皇帝。以顯寧寺爲睿聖宮。是夕。徙帝居
之大赦。改元明受。加傳爲武當軍節度使。正彥爲武成
軍節度使。朱勝非奏。母后垂簾。須二人同對。此承平故
事。今日事機。須密奏者。乞許臣僚獨對。而日

顧事已經訂並無討賊之計又未嘗約在外握兵諸將以協力勤王使非張浚諸人慷慨誓師近為匡復勝非將遂安心坐視耶觀其所建白不過曰引賊黨同奏以弭其疑舍此別無籌畫是惟知一身免禍子國事究何所賴繼以春秋之法亦豈能逃同惡之誅乎

引傅黨二人上殿以弭其疑太后語帝曰賴相此人若汪黃在位事已狼籍矣傅等欲挾帝幸徽越勝非論之以禍福乃止

張浚呂頤浩會兵討賊

改元赦書至平江張浚命守臣湯東野秘不宣既而得苗傅等所傳檄浚慟哭召東野及提刑趙哲謀起兵討之時傅令張浚以三百人赴秦鳳而以餘兵屬他將俊知其偽拒不受軍士洶洶俊諭之曰當詣張侍郎決之即引所部八千人至平江俊見浚語故相持而泣且諭俊以將起兵問罪俊泣拜曰此須侍郎濟以機術毋驚動乘輿也赦至江寧呂頤浩曰是必有兵變其子抗曰主上春秋鼎盛二帝蒙塵沙漠日望拯救其肯遽遜位

于幼冲乎。灼知兵變無疑也。卽遣人寓書于浚。浚以頤
浩有威望。能斷大事。乃答書約共起兵。且告劉光世于
鎮江。令以兵來會。頤浩得浚書。因上疏請復辟。遂以兵
發江寧。舉鞭誓衆。士皆感厲。張浚又念傅等居中。欲得
辯士往說之。節制司參議官馮轡字元通。後賜名。康國。遂寧府人。請行。
浚遣之。至杭。見傅等。折以正義。令早反正。劉正彥遣轡
約浚至杭。浚命張俊分兵扼吳江。上疏請復辟。苗傅等
謀除浚。禮部尚書命將所部詣行在。浚以大兵未集。未
敢誦言討賊。乃託云。張俊驟回人情。震驚。不可不少留。
以撫其軍。會韓世忠自鹽城。由海道將赴行在。至常熟。
梁縣。今屬蘇州府。張俊聞之。曰。世忠來。事濟矣。因白浚。以書招

之世忠得書以酒酹地曰誓不與此賊共戴天至平江見浚慟哭曰今日之事世忠願與張俊任之公無憂也浚因大犒俊世忠將士衆皆感憤于是令世忠帥兵赴關戒之曰投鼠忌器事不可急急則恐有他變宜趨秀州據糧道以俟大軍之至世忠發平江至秀州稱疾不行而大修戰具傳等聞之始懼欲拘世忠妻子以爲質朱勝非給傳曰不若遣之使逐世忠而慰撫之則平江諸人益安矣傳從之乃白太后封世忠妻梁氏爲安國夫人俾逐世忠梁氏疾驅出城一日夜會世忠于秀州勝非喜曰二兄真無能爲也張浚復遣馮轡往杭因報書于正彥曰自古言涉不順謂之指斥乘輿事涉不遜謂之震驚宮闕廢立之事謂之大逆不道大逆不道者族今建炎皇帝不聞失德一旦遜位豈所宜聞傳等得書而

恐乃遣苗瑀馬柔吉將重兵扼臨平

注見前

亟除俊世忠

節度使而誣浚欲危社稷謫黃州團練副使郴州安置

浚等皆不受頤浩將至平江浚乘輕舟逝之咨以大計

頤浩曰曩諫開邊幾死宦臣之手承乏漕輓幾陷腥羶

之域今事不諧不過赤族爲社稷死豈不快乎浚壯其

言旣而劉光世兵亦至浚乃草檄聲傳正彥之罪以韓

世忠爲前軍張俊翼之劉光世爲遊擊頤浩浚總中軍

光世分兵殿後太后降旨睿聖皇帝處分兵馬重事以

浚同知樞密院事李邴

字漢老濟州仁城人

鄭穀

字致剛建州人

並同簽

書院事浚頤浩等發平江上疏乞建炎皇帝還卽尊位

傳等聞之憂恐不知所爲朱勝非謂之曰勤王之師未

進者使此間自反正耳。不然，下詔率百官六軍請帝還宮。公等置身何地乎？即召李邴、張守字子固，常州晉陵人。作百官章及太后手詔，賜傅。正彥鐵券，傅等遂帥百官朝于睿聖宮。帝慰勞之。傅正彥以手加額曰：「聖天子度量如是也。」傅黨張達曰：「趙氏安，苗氏危矣。」

金以劉豫知東平府，節制河南州郡。

時京東諸郡多人于金。金界舊河以南，俾豫統之。又以豫子麟知濟南府。鄂爾多還屯濱州。注見前。尼瑪哈歸至

東平，命達賚屯兵衝要，以鎮撫之。

王復故將趙立。徐州張益村人。復徐州。

初，徐州既破，都虞候趙立戰死。復蘇求王復尸瘞之，陰

結鄉民爲收復計。及金師北去。乃帥殘兵邀擊。大敗之。遂復徐州。事聞。詔以立權知州事。時山東爲盜區。立介居其間。威名流聞。

夏四月。帝復位。詔張浚知樞密院事。

太后下詔還政。朱勝非帥百官詣睿聖宮。親掖帝乘馬還行宮。與太后御前殿垂簾。復以建炎紀年。以苗傅爲淮西制置使。劉正彥副之。越四日。太后撤簾。

呂頤浩張浚敗賊將苗翊于臨平。苗傅劉正彥夜遁。頤浩浚入杭州。

呂頤浩張浚軍次秀州。頤浩諭諸將曰。今雖反正。而賊猶握兵居內。事若不濟。必反。以惡名加我。翟義徐敬業。

可監也。進次臨平。苗翊馬柔吉負山阻水爲陣。中流植鹿角。以梗行舟。韓世忠舍舟力戰。張俊劉光世繼之。翊衆少卻。世忠復舍馬操戈而前。令將士曰。今日當以死報國。面不被數矢者皆斬。于是士卒爭用命。翊引神臂弩持滿以待。世忠瞋目大呼。挺刃突前。翊衆辟易。矢不及發。遂敗走。勤王兵入北關。卽今北新關在杭州府仁和縣北。傳正彥急趨都堂。取鐵券。擁精兵二千。夜開湧金門遁走。犯富陽。注見前。新城三國吳縣。今屬杭州府。二縣將趨閩中。頤浩浚入城。世忠手執王世修以屬吏。頤浩浚入見。伏地涕泣待罪。帝問勞。再三謂浚曰。曩在睿聖兩宮隔絕。一日啜羹。忽聞貶卿。不覺覆手。念卿被謫。此事誰任。解所服玉帶賜。

之帝握世忠手慟哭曰。中軍統制吳湛。佐逆爲最。尙留
朕肘腋。能先誅乎。世忠卽謁湛。握手與語。折其中指。與
王世修俱斬于市。逆黨王元。左言。馬瑗。范仲熊。時希孟
皆貶。

朱勝非免。以呂頤浩爲尙書右僕射兼中書侍郎。

朱勝非旣不能弭患于未
雨。復不能靖亂于臨事。及
前將撤足禍患實無顏復
居政府。顧其乞罷時雖舉
已。頤浩張浚以代而一則
謂其練事而暴一則謂其
事而疎力爲貶抑。隱然
不一臣皆不已若之意則
其庸碌絕校肺肝已不可
掩而所爲引過求退特藉

帝初復位。勝非見帝。言曰。臣昔遇變。義當卽死。偷生至
此。欲圖今日之事耳。因乞罷政。帝問誰可代者。對曰。呂
頤浩。張浚。帝問孰優。對曰。頤浩練事而暴。浚喜事而疎。
帝曰。浚太年少。對曰。臣向被召。軍旅錢穀悉付浚。此舉
浚實主之。中丞張守論勝非不能預防。致賊猖獗。宜罷
之。不報。至是與同位顏岐。門下侍郎王孝迪中書侍郎張澂尙書右丞

以社稷人之口非真能負
疾自効也

盧益

同知樞密

路允迪

簽書樞密

等俱免。而拜頤浩右相。復以劉

光世爲御營副使。韓世忠張俊爲御前左右軍都統制。

勝非尋落職。居張澂于衡州。

禁內侍干預朝政。

詔內侍不得與主兵官交通。及饋遺假貸借役禁軍。干預朝政。外官非親戚亦不得往還。如違並行軍法。

重正三省官名。

自元豐新官制。三省不置長官。以尙書左右僕射兼門

下中書侍郎分班奏事。獨中書取旨。門下雖爲首相。不

更與聞。

事俱具前續綱目敘次重複。今刪節改輯。

元祐初。司馬光請令三省

合班奏事。分省治事。至是從呂頤浩言。詔左右僕射並

同中書門下平章事。改中書門下侍郎爲叅知政事。省
尙書左右丞。

帝如江寧。

旣至。改江寧爲建康府。

冊魏國公塹爲皇太子。

五月。以張浚爲川陝京湖宣撫處置使。便宜黜陟。

浚招諭劇盜薛慶于高郵。慶降。浚因留撫其衆。或傳浚
被執。呂頤浩等請罷浚。帝從之。越十日。浚還。帝驚嘆。卽
日趣還原職。浚謂中興當自關陝始。慮金人或先入陝
蜀。則東南不可保。因慷慨請行。詔以浚爲宣撫處置使。
聽便宜黜陟。與沿江襄漢守臣議儲蓄以待臨幸。帝問

靖康稱臣而仍不免
于覆亡之禍前鑒昭然建
炎諸臣方欲恢復中原力
圖中興之業高宗縱不能
發憤自強亦何至望風畏
蒞遽欲云尊號奉正朔甘
于卑屈若此及信使未達
而烏珠已大起燕雲河朔
之衆南下則及以守則無

浚大計浚請身任陝蜀之事置幕府于秦州別遣大臣

與韓世忠鎮淮東令呂頤浩扈蹕來武昌為趨陝之計

復以張俊劉光世與秦州相首尾帝然之初浚宣撫川

監登聞檢院汪若海曰天下者常山蛇勢也秦蜀為首

東南為尾中原為脊今以東南為首安能起天下之脊

哉將圖恢復必在川陝浚大悅

遣徽猷閣待制洪皓字光弼鄱陽人使金金人拘之

尼瑪哈白東平還雲中鄂爾多自濱州還燕山帝遣皓

如金遺尼瑪哈書願去尊號用金正朔比于藩臣時所

在盜梗皓艱難百端得達太原留一年遣至雲中尼瑪

哈迫皓使仕劉豫皓曰萬里銜命不得奉兩宮南歸恨

力不能磔逆豫忍事之邪留亦死不事豫亦死不願偷

人奔而無地乞哀于金將
徒取不答之辱究無解于
航海之追愚儒無能真不
足齒矣

生狗鼠間願就鼎鑊無悔尼瑪哈怒將殺之旁一校曰
此真忠臣也目止劍士爲皓跪請得流遞冷山即冷喇山亦作

冷陁方輿紀要山在故黃龍府北

韓世忠獲苗傅劉正彥送行在誅之

世忠言賊擁精兵距甌閩甚邇倘成巢穴卒未可滅帝
詔世忠與劉光世追討之世忠自衢信進至浦城注見前

之魚梁驛與苗傅劉正彥遇世忠步走挺戈而前賊望

見昨曰此韓將軍也皆驚潰遂擒正彥及傅弟翊王德

亦執苗瑀斬馬柔吉傅亡入建陽縣人詹剽執之獻于

世忠世忠悉送行在斬之帝手書忠勇二字揭旗以賜

世忠

王安石蔡京變法流毒固
宋室致病之由。但至高宗
南渡以後。宋之宗社。朝不
保暮。其先務自當以講求
軍事為急。趙鼎乃謂時政
之闕。莫大于安石之配享。
未罷蔡京之黨。未除實迂
緩而不切于事。即如其言
悉舉而廓清之。又豈遽能
靖外患而維國本乎。鼎固
南宋名臣。而此疏實不免
書生膚末之見。抑仍門戶
排斥之私耳。

六月。大霖雨。詔郎官以上言闕政。罷王安石配享神宗廟
廷。

時久雨恒陰。呂頤浩。張浚皆謝罪求去。詔郎官以上言
闕政。司勳員外郎趙鼎上疏曰。自熙寧間。王安石用事。
變祖宗之法。而民始病。假闕國之謀。造生邊患。興理財
之政。窮困民力。設虛無之學。敗壞人材。至崇寧初。蔡京
託紹述之名。盡祖安石之政。凡今日之患。始于安石。成
于蔡京。今安石猶配享神宗。而京之黨未除。時政之闕
莫大于此。帝從之。遂罷安石配享。尋下詔。以四大罪已。
二曰昧戡難之遠圖。三曰無綏人之德。四曰失馭臣之
柄。仍榜朝堂。使知朕悔過之意。中丞張守上疏曰。陛下
處宮室之安。則思二帝母后。穹廬毳幕之居。享膳羞之
奉。則思二帝母后。羶肉酪漿之味。服細暖之衣。則思二

帝母后窮邊絕塞之寒苦。操予奪之柄。則思二帝母后語言動作。受制于人。享嬪御之適。則思二帝母后誰爲之使令。對臣下之朝。則思二帝母后誰爲之尊禮。思之又思。兢兢栗栗。聖心不倦。而天不爲之順助者。萬無是理也。今罪已之詔數下。而天未悔禍。實有所未至耳。

罷右司諫袁植。

植請誅黃潛善及失守者權邦彥。

字朝美。河間人。

等九人。詔以

朕方念咎責已。豈可盡罪臣下。植雖敢言。然導朕以殺人。此非美事。遂出知池州。

金烏珠大舉南侵。

尼瑪哈鄂爾多既還。烏珠請大起燕雲河朔兵南侵。金

主從之。遂破磁單密州。又破興仁府。

帝以金人復來。乃遣工部尚書崔縱

使金。并通問二帝。縱至金。首以大義責金人。請還二帝。金人怒。從之窮荒。縱不少屈。竟死焉。崔縱字元矩。撫

荆臨
安人。

秋七月。太子勇卒。諡元

御營司提舉范瓊有罪伏誅。張浚發建康。

浚前此逼遷二帝已爲
人所共憤至是復爲亂
賊苗劉貸死叛逆之跡益
彰若不急除其患將不可
測張浚不動聲色執之於
匕箸之間旋卽撫定其衆
可爲幹濟所惜未能礮肆
市曹大快人心耳周禮乃
泥綱目連書張浚發建康
之文謂浚之所忌者瓊瓊
誅然後得行其志竟似浚
討僂大慾專爲自圖私利
黑白混淆是非顛倒尙足
與論史事耶

初汴京破二帝及宗室北遷多瓊之謀又乘時剽掠左
右張邦昌爲之從衛至是自洪州入朝悖慢無禮且乞
貸苗劉等死帝畏其威以爲御營司提舉一行事務張
浚將赴川陝與樞密檢詳文字劉子羽密謀誅之一日
命張俊以千兵渡江若備他盜者使皆甲而來因詔瓊
俊及劉光世赴都堂議事爲設食食已諸公相顧未發
子羽坐廡下恐瓊覺取黃紙趨前舉以麾瓊曰下有敕
將軍可詣大理寺置對瓊愕不知所爲子羽顧左右擁

置輿中衛以俊兵送獄。光世出撫其衆。數瓊在圍城中。附金迫二帝北狩之罪。且曰。誅止瓊爾。汝等固天子自將之軍也。衆皆投刃曰。諾。有旨分隸御營五軍。瓊下獄具服。賜死。子弟皆流嶺南。瓊既誅。張浚乃發建康。

升杭州爲臨安府。

初。呂頤浩與張浚定幸武昌之議。及浚行。頤浩以爲道遠。饋餉難繼。乃變前論。會滕康。字子濟。宋城人。張守。陳武昌有

十害。不可往。帝從之。遂升杭州爲臨安府。將定都焉。

詔李邴。時爲參知政事。滕康。時簽書樞密。

權知三省樞密院事。奉隆祐

太后如洪州。

太后至建康。會防秋迫。命劉寧止

字無虞。湖州歸安人。

制置江淮。

荆湖扈太后往洪州。百司非預軍事者悉從。命康師權知三省樞密院事。從行。凡四方奏讞吏部差注舉辟功賞之數。皆隸焉。李邠尋罷。以劉珪代之。又命四廂都指揮使楊惟忠將兵萬人以衛。過落星寺。在南康府星子縣南鄱陽湖中。方輿紀要。昔有星墜水爲石。因名。宋建炎中。孟太后過此建寺。後改福星院。暴風覆舟。宮人溺死者無數。惟后舟無虞。

以杜充同知樞密院事。

充留守東京。以糧絕歸行在。遂有是命。充將發汴。岳飛諫曰。中原地。尺寸不可棄。今一舉足。此地非我有。他日取之。非數十萬衆不可。不聽。朝廷命郭仲荀程昌寓相繼代充。然留守司名存而已。

時非三古而談封建井田
皆拘儒不達世變之說况
南巢時外逼金兵內擾羣
盜中原幾無土計夫授
由田於何來計井定賦賦
將安出勢既扞格難行流
弊更無所底止乃當時以
爲不可少之書適見宋儒
之迂濶而已

廣州教授林勲

賀州人

上本政書。

勲上本政書十三篇言國朝兵農之政大抵因唐末今
農貧而民失職兵驕而不可用地利多遺財用不足皆
本政不修之故宜倣古井田之制使民一夫占田五十
畝其有羨田之家毋得市田其無田與游惰末作者皆
驅之使爲隸農以耕田之羨者而雜紐錢穀以爲什一
之稅每十六夫爲一井每井賦三兵馬一匹蠶婦之貢
絹三尺綿一兩非蠶鄉則布六尺麻二兩其說甚備書
奏詔以爲桂州節度掌書記

八月遣使致書于金金人不答

時聞金人南侵而洪皓崔縱未得還帝求可使緩師者

乃遣京東轉運判官杜時亮及修武郎宋汝為字師禹豐縣人

使金請和致書于尼瑪哈又命呂頤浩遺書劉豫以諭

意

與尼瑪哈書曰古之有國家而迫于危亡者不過守與奔而已今以守則無人以奔則無地此所以認

然惟冀閣下之見哀而已故前者連奉書願削去舊號是天地之間皆大金之國而尊無二上亦何必勞師遠涉而後為快哉

閏月以呂頤浩杜充守尚書左右僕射並同中書門下平

章事

時始正官名事具前

罷起居郎胡寅

寅上疏曰陛下以親王介弟受淵聖皇帝之命出師河北二帝既遷則當糾合義師北向迎請而乃亟居尊位建立太子不復歸覲宮闕展省陵寢偷安歲月畧無捍

禦及虜騎乘虛匹馬南渡。一向畏縮。惟務遠逃。軍民怨
咨。恐非自全之計也。因進七策。一。罷和議而修戰畧。二。
置行臺以區別緩急之務。三。務實效。去虛文。四。大起天
下之兵以自彊。五。都荆襄以定根本。六。選宗室之賢才。
封建任使之。七。存紀綱以立國體。書凡數千言。呂頤浩
惡其切直。罷之于外。

詔杜充。韓世忠。劉光世。分屯江東以備金。

韓世忠謂不當更棄江淮
最爲切要卽以將才而論
世忠勦滅苗劉已著成效
而杜充爲東京留守糧絕
還歸其優劣不啻霄壤乃
以江東節制付之杜充用
人己爲失當迨後此開充

帝召諸將議駐蹕之地。張俊。辛企宗請自鄂岳幸長沙。
韓世忠曰。國家已失河北山東。若又棄江淮。更有何地。
呂頤浩曰。金人之謀。以陛下所至爲必爭之地。今當且
戰且避。奉陛下于萬全之地。臣願留常潤死守。帝曰。朕

敗降而倉皇據悔亦晚矣。南宋是時勢已顛蹶。建康臨安所爭無幾。然長留淮南以爲屏蔽。不更愈于重恃長江乎。而樓炤謬說顧以量方知已爲辭。視保淮爲未務。淮防旣微。而江險亦不足憑。其失算莫甚矣。

左右不可無相。乃以充兼江淮宣撫使守建康。王玠隸之。韓世忠爲浙西制置使守鎮江。劉光世爲江東宣撫使守太平池州。皆受充節制。杜充嚴急。光世不樂屬充。會朝議以隆祐太后在豫章。恐有震驚。乃命光世移屯江州以屏蔽之。帝如臨安。

考功員外郎樓炤

字仲輝。婺州永康人。

上疏言。今日之計。當思古

人量力之言。察兵家知己之計。力可以保淮南。則以淮南爲屏蔽。權都建康。漸圖恢復。力未可以保淮南。則因長江爲險阻。權都吳會。以養國力。于是帝還臨安。不復議防淮矣。

九月丙午朔日食。

金人破南京。

知府凌唐佐

字公弼徽州休寧人

被執。劉豫因使爲守。唐佐與宋

汝爲密疏其虛實。以蠟書告于朝。事泄。豫併其家捕之。

唐佐見豫。責以大義。豫怒。殺之境上。

詔周望守平江。

諜報金人治舟師。將由海道窺江浙。詔韓世忠守圖山。

在鎮江府丹徒縣東北濱江爲險。

福山。在蘇州府常熟縣北。下臨大江。與通州狼山相對。望初

由兵部尙書進簽書樞密院事。至是。以爲兩浙荆湖宣

撫使。總兵守平江。

既而郭仲威降于望。進望同知樞密院事。仍守平江。

遣直龍圖閣張邵

字才彥烏江人

使金。金人囚之。

邵至濰州。見達賚。命邵拜。邵曰。監軍與邵爲南北朝從

臣無拜禮。且具書言兵不在彊弱。在曲直。天未厭宋。而金乃裂地以封劉豫。復窮兵不已。曲有在矣。達賚怒。取所賁國書去。送邵密州囚于祚山砦。祚山。方輿紀要作昨山。在青州府安邱縣東北。金人置砦于此。

金殺故知真定府李遯。

遯故爲真定帥。被執三年。金人欲使知滄州。遯笑不答。及是。金下令改易冠服。遯憤詆之。金人搥擊其口。猶吮血喫之。遂遇害。遯將死。顏色不變。南向拜訖。就死。燕人

爲之流涕。

後事聞諡曰忠壯。

冬十月。帝至臨安。留七日。復如越州。

時烏珠分兵。一自滁和入江東。一自蘄黃入江西。帝遂

如越州。

張浚治兵于興元。

浚至興元。上疏言。漢中實形勝之地。前控六路之師。後據兩川之粟。左通荆襄之財。右出秦隴之馬。號令中原。必基于此。宜謹積粟理財。以待巡幸。于是辟劉子羽叅

議軍事。承制以趙開

字應祥。普州安居人。

為隨軍轉運使。專總四

川財賦。

開先提舉川陝茶馬事。茶引收息至一百七十餘萬緡。馬逾二萬匹。至是見浚曰。蜀之民力盡

矣。錙銖不可加。獨榷貨。尚存贏餘。而貪猾認為已有。互相隱匿。惟不恤怨詈。斷而敢行。庶可救一時之急。浚銳

意興復。委任不疑。于是大變酒法。即舊撲買坊場所置

隔釀。設官主之。麴與釀具。官悉自買。聽釀戶各以米赴

官場自釀。斛輸錢三十。頭子錢二十二。其釀之多寡。惟

錢是視。不限數也。又于秦州置錢引務。興州鼓鑄銅錢。

官賣銀絹。聽民以錢引。或銅錢買之。凡民錢當入時。浚

官者。並聽用引折納。官支出亦如之。民以為便。

高宗至建康。席未暇煖。懼淮南之不可保。復幸臨安。即當奉隆祐太后同往。乃以防秋事。迫遣人扈駐洪州。復自吉而虞。兵變風濤。屢頽危。且劉光世前此守淮潰走。懼怯已可概見。

荷重寄。旬犒月賞。期得士死力。費用不貲。盡取辦于開。開悉智慮。于食貨算無遺策。雖支費不可計。而貲財常有餘。初曲端欲斬王庶。朝廷疑其叛。浚以百口保之。且以其與敵屢角。欲仗其威聲。承制築壇。拜端威武大將軍。宣撫司都統制。軍士懽聲如雷。子羽又薦涇原都監吳玠及弟璘。字唐卿。之才勇。浚以玠為統制。璘掌帳前親兵。

金人趨江西。劉光世引兵遁。十一月。隆祐太后如虔州。江西州軍多潰。

烏珠遣當海先取壽春。而自以兵繼之。掠光州。擊破張用軍。聞太后在南昌。遂攻破黃州。知州趙令晟。燕王德昭後。

乃令其獨當一面以爲捍禦其不足恃以保衛固無煩再計矣高宗止圖一身奔避之便而不顧母后杭隍之虞其心殆不可問豈特徽欽不還足啓人訾議乎

不屈被殺光世在江州日置酒高會金人自黃州渡江

凡三日無知之者金兵薄城下光世遂引兵趨南康金

人入城由大冶五代南唐縣今屬武昌府趨洪州滕康劉珪聞金兵

至奉太后出城江西制置使王子獻棄洪州走金人遂

破臨江軍宋置今江西臨江府是洪撫袁三州注俱見前亦破太后至

吉州方五日金人追之急后乘舟夜行質明至太和縣

隋縣明改泰和今屬吉安府舟人景信反楊惟忠兵潰失宮人一百

六十滕康劉珪皆遁兵衛不滿百遂自萬安宋縣今屬吉安府

陸行如虔州后及潘貴妃開封人以農夫肩輿而行至虔

州府庫皆空衛兵所給惟得沙錢市買不售與百姓交

鬪縱火肆掠土豪陳新率衆圍城楊惟忠部將胡友自

外引兵破新于城下后稍得安。既而金人破吉州還屠洪州。

帝如浙西未至復如越州。

帝初欲幸明州用呂頤浩計復還杭州乃下詔親征百

司有至曹娥江

其上流卽剡溪自紹興府嵊縣流逕會稽縣曹娥廟前因名曹娥江其下流亦

曰舜江至三江口入海

者有至錢清堰

卽錢青鎮在紹興府山陰縣西錢清江所經也以東

漢太守劉寵受父老一錢事得名

者侍御史趙鼎力諫以爲衆寡不敵

不若爲避敵之計遂復詔百司回越州

知徐州趙立將兵勤王敗金人于淮陰

立聞詔諸路以兵勤王乃將兵三萬趨行在杜充承制

以立知楚州金人聞立棄徐州將赴楚州乃以兵邀于

淮陰立麾下勸立不如還保徐州立奮怒嚼其齒曰回顧者斬于是率衆徑進與金人遇轉戰四十里至楚州城下立中箭貫兩頰口不能言以手指揮既入城休士而後拔鏃議者謂自燕山之役南北戰爭未有如此之鏖戰者

以范宗尹參知政事趙鼎爲御史中丞

二人皆嘗建議避金人故遂用之

金烏珠渡江入建康杜充叛降金通判楊邦乂

字希稷吉水人死

之

時江浙倚重于充而充日事誅殺且無制敵之方及烏珠與李成合兵攻烏江充閉門不出統制岳飛泣諫請

呂頤浩與諸將議遷都時
卽有且戰且避之說其胸

帝奔明州。

帝聞杜充叛降。謂呂頤浩曰。事迫矣。若何。頤浩遂進航。

終不屈。大罵求死。遂殺之。

充至金尼瑪哈。薄其爲人。久之。乃得仕。

大書裾曰。寧作趙氏鬼。不爲他邦臣。烏珠使人誘以官。

張邦昌故事。充遂降金。通判楊邦乂獨不肯屈膝。以血

還營。居長蘆寺。烏珠遣人說之曰。若降。當封以中原。如

渡江保真州。諸將怨充嚴刻。欲乘其敗害之。充聞。不敢

亦散。烏珠至建康。守臣陳邦光。戶部尙書李悅迎降。充

及飛帥師迎戰。王玠以軍先遁。淬敗死。諸將皆潰。充兵

由馬家渡渡江。陷太平州。充始遣都統制陳淬。字君銳。莆田人。

視充不從。烏珠遂乘充無備。進兵取和州。無爲軍。遂

中早存航海一著以爲長
算至是遂進策請行無論
他日章安之追幾不免于
禍而風濤漂泊詎可久居
所謂萬全之地顧如是邪
又况奔逃跋涉出入無時
實已損威失重乃猶自詡
爲兵家之奇亦庸陋不知
耻矣頤浩處苗劉之變綽
有遠謨張浚亦稱其能斷
大事何前後之不相符若
此豈其才識僅能集羣策
以成事而不足獨當一面
乎

海之策其言曰敵兵多騎必不能乘舟襲我江浙地熱
必不能久留俟其退去復還二浙彼出我入彼入我出
此兵家之奇也帝然之遂如明州

盜桑仲據襄陽

初張浚承制以程千秋爲京西制置使軍襄陽千秋招
降劇盜曹端桑仲未幾疑仲有異命端圖之端及千秋
所部俱爲仲所敗千秋棄城自金州

注見前

入蜀仲遂據

襄陽京西列城皆爲仲所有

時有邵青者本五丈河人。去爲盜。剽掠淮泗間。又

江淮宣撫司準備將戚方擁衆爲盜犯鎮江殺守臣胡
唐老進陷廣德軍既而方爲岳飛所敗降于張俊青後
降而復叛聚其衆于崇明沙劉光世令王德討之諜言
賊將用火牛德笑曰此古法也可一再命合軍持
滿陣始交萬矢齊發牛皆返奔賊衆殲焉青自縛請罪
德獻諸行在廣德軍宋置今安徽廣德川是崇明沙

即今太倉州崇明縣唐宋時疊漲三沙鼎立海中其東沙即舊縣所治後已屢遷王德字子華通遠軍熟羊砦人。

韓世忠自鎮江退守江陰。

今常州府江陰縣宋為江陰軍。

十二月金烏珠

破臨安遣兵渡浙追帝帝航于海。

烏珠自建康趨廣德殺守臣周烈遂過獨松關。

在杭州府餘杭

縣西北獨松嶺上為江浙二境要隘。

見無戍者謂其下曰南朝若以羸兵

數百守此吾豈能遽度哉遂抵臨安守臣康允之棄城

走錢塘縣令朱蹕。

湖州吉安人。

死之烏珠聞帝在明州遣阿

里富埒緝帥精騎渡浙追之帝乘樓船入海次于定海

縣。

五代吳越置望海縣宋太平興國中改名定海即春秋甬東也。注見前。

留范宗尹趙鼎

于明州以俟金使又謂張俊曰若能捍敵成功當加王

爵呂頤浩奏令從官以下各從便去。帝曰：士大夫當知

義理，豈可不扈從？若然，則朕所至乃同寇盜耳。于是郎

官以下多從衛。越四日，帝舟次昌國縣。

宋置明改為衛在今寧波府象山縣

山縣西南

江淮統制岳飛敗金人于廣德。

飛率所部自建康躡金人于廣德境中，六戰皆捷，擒金

將王權，俘首領四十餘，察其可用者，結以恩義，遣還，令

夜斫營縱火，飛乘亂縱擊，大破之，駐軍鍾村。

在廣德州境軍

無見糧，將士忍饑，秋毫無犯，金所籍兵爭降附之。

金人破越州，遂趨明州。張俊使統制楊沂中迎戰于高橋，

敗之。

阿里富埒緡入越州。宣撫郭仲荀奔溫州。知府李鄴降。

通判曾忘

字仲常輩之孫

死之。富埒緡遂濟曹娥江。至明州西

門之高橋。張俊使統制劉保與戰而敗。楊沂中等復殊死戰。沂中舍舟登岸。知明州劉洪道帥州兵射其旁。大破之。殺數千人。金使來召人至砦計事。俊使小校往。金人與語。欲入越州請降。俊拒之。戒將士慮敵必再至。下令清野。多以輕舟伏弩。閉關自守。

庚戌四年。

金天會八年

春正月。金人破明州。屠其民。遂襲帝于海。

帝走溫州。

是月朔。西風大作。金帥乘之。次日。復攻明州。張俊、劉洪道坐城樓。遣兵掩擊。殺傷大半。金人奔北。死于江者無

數夜拔砦退屯餘姚。而遣人請濟師于烏珠。明日帝移

次台州章安鎮。

本後漢縣。隋廢爲鎮。今日章安市。在台州府臨海縣西南。

越四日。烏

珠遣兵與阿里富埒繩復攻明州。張俊懼。帥師趨台州。

劉洪道亦遁。越九日。金師乃入城。屠其民。乘勝破昌國

縣。聞帝在章安。以舟師追三百餘里。弗及。提領海舟張

公裕引大舶擊卻之。金人引還。帝發章安如溫州。泊于

港口。

續綱目作帝聞明州破。移次章安鎮。考宋史高宗紀。丙午。帝次章安。已未。金破明州。相距十有四日。

今依本紀次序改輯。

金洛索破陝州。知州事李彥仙死之。

彥先在陝蒐軍實。增陣濬隍。益爲戰守備。遣都領邵興

復號州。金將烏嚙。

舊作烏祿。今改。

來攻彥仙。敗之。洛索聞之。自

曲端桀驁不馴屢形跋扈張浚非不知之特以其臨陣威聲尚堪制勝為朝廷惜禦侮之才故以百口保端明其非叛委任不疑雖甚惡劣之人亦當為之感動由死力以相報矣乃陝州之圍復挾彥仙私嫌不遵檄赴救儼然仍以王庶待浚浚見其怙終若此尚安望其同心集事乎他日恭州之獄雖由讒譖而成

蒲解率兵大至。彥仙又大敗之。洛索僅以身免。彥仙度金必併力來攻。即遣人求兵于張浚。已而洛索果率折可求等衆十萬來。分軍爲十。以正月旦爲始。日輪一軍攻城。期三旬必拔。彥仙意氣如常。數出兵與戰。既而食盡。告急于浚。浚檄曲端以涇原兵援之。端素嫉彥仙。不奉命。浚曰。金若下陝。則全據大河。且窺蜀矣。乃出師至長安。道阻不得進。彥仙日與金戰。洛索奇其才。誘啗百端。彥仙悉斬其使。力盡城破。彥仙投河死。其屬官居民無一人降者。洛索怒。盡屠之。

金以韓企先

燕京人。

爲尚書左僕射兼侍中。

時金方議禮制度。企先博通經史。知前代故事。或因或

而其致釁可謂非自取也

革咸取折衷。

二月河北盜酈瓊

字國寶相州臨漳人

降于劉光世。

瓊初隸宗澤。澤死。調戍滑州。金人南下。戍軍亂。殺其統制。推瓊為主。瓊因誘衆勤王。行收兵。比渡淮。有衆萬餘。至和州。爲金當海所敗。遂率衆降于光世。詔以爲楚州安撫使。

以盧益李回權知三省樞密院事。

御史張延壽論滕康劉珏不能憂國。使太后涉險。爲敵人追迫。遂俱免。而以益回代之。

金人屠潭州。

金旣破江西諸郡。乃引兵趣湖南。遂破潭州。將吏王曠

劉价趙聿之戰死向子諲字伯恭敏中元孫率兵奪門而出金

兵遂大掠屠其城而去

金烏珠引兵北還

烏珠還臨安縱火焚掠以輜重不可遵陸取道秀州而

北金游騎至平江周望奔太湖知府湯東野棄城遁烏珠入城縱火焚掠死者五十萬人烏珠遂入常州鎮

江府既而侍御史沈與求論望罪謫連州安置沈與求字必先湖州德清人

金人入東京

權留守上官悟出奔為盜所殺自是四京皆没于金

鼎州人鍾相作亂尋伏誅其黨楊太復叛

金人去潭州羣盜大起相嘗以左道惑眾因結集勇壯

以悍敵為名自稱楚王改元天載攻陷澧州既而孔彥

舟擊相。

時彥舟初降。

擒送行在。誅之。其黨楊太復聚衆于龍

陽。

三國吳縣今屬常德府。

太又名么。蓋楚人謂年少者爲么云。後

衆曰盛。自稱大聖天王。立鍾相少子子儀爲太子。太以下皆臣事之。

三月遣使迎隆祐太后于虔州。

帝謂輔臣曰。朕初不識太后。自迎至南京。愛朕不啻已

出。今在數千里外。兵馬驚擾。當卽奉迎。以愜朕朝夕慕

念之意。遂遣盧益及辛企宗。潘永思等奉迎于虔州。

夏四月。金人入潼關。曲端使吳玠拒于彭原。

在慶陽府寧州。故彭原縣。

西南。寰宇記。隋因原名縣。

敗績。端走還涇原。

宋史曲端傳作涇州。考宋涇原路。治涇州。端退還本

鎮。故宋史與綱目互舉言之。

金洛索旣破陝。遂長驅入關。攻環慶。曲端遣吳玠拒于

彭原而自將屯邠州。玠先擊金人。敗之。薩里干懼而泣。金人目之曰帝哭郎君。洛索整軍復戰。玠軍敗績。端退屯涇原。金人雖勝玠。以端全軍退去。且時方盛暑。遂復還河東。帝還越州。

金人退。帝將西還。召羣臣議駐蹕之所。呂頤浩曰。將來宜駐浙右。徐圖入蜀。范宗尹曰。若便入蜀。恐兩失之。據江表而圖關陝。則兩得之。帝曰善。遂發溫州。至越州。下詔親征。巡幸浙西。尋升越州爲紹興府。

韓世忠邀擊金烏珠于江中。大敗之。走建康。復引兵襲世忠。世忠敗績。烏珠遂趨江北。

金山屹峙江心何能馳騎
且烏珠是時志在濟江豈
肯行次中流舍舟以臨險
地致有變當日金山與南
岸相連屬者不知浮玉之
名即取其無所附麗而樹
影中流鐘聲兩岸唐時名
句流傳蘓軾亦有阻風金
山之作則山之不能通陸
自昔已然方輿紀要因子
金山下增對岸二字謂廟
在銀山殊無確據况世忠
克成焦山與金山銀山東

初韓世忠以前軍駐青龍鎮。

在松江府青浦縣北以青龍江名。

中軍駐

江灣。

鎮名在太倉州寶山縣南吳淞江口。

後軍駐海口欲俟烏珠師還擊

之及烏珠由秀趨平江世忠事不就遂移師鎮江以待

之金師至江上世忠先以八千人屯焦山寺。

山在鎮江府丹徒縣

東江中後漢處士焦先隱此因名。

烏珠欲濟江乃遣使通問且約戰期。

世忠許之因謂諸將曰是間形勢無如金山。

在丹徒縣西北江中。

與焦山對峙本名浮玉山以裴頭陀開山得金因改名。

龍王廟者敵必登之以覘

我虛實乃遣蘓德將百人伏廟中百人伏廟下岸側戒

之曰聞江中鼓聲則岸兵先入廟兵繼出以合擊之及

敵至果有五騎趨廟廟兵先鼓而出獲兩騎其三騎則

振策以馳馳者一人紅袍玉帶既墜復跳而起詰諸獲

西相距均遠聲眺亦無所見其為傳會顯赫惟王象之及熊克皆云廟在北固較為可信蓋北固踞江南岸既得振策以馳而山居東北與焦山正直故可登之以見虛實三人皆以宋人紀宋事自當得實非若宋史成自元時僅據傳聞而不詳形勢徒滋後世之疑議也至謂一人紅袍玉帶墜而復馳者即烏珠其說尤誕金源衣服至大定明昌間始酌用中國制度其初必無褒衣博帶之人況身臨戰陣安有服袍玉以從事者其為宋人誇飾附會無疑即此可證金山

者則烏珠也既而接戰江中凡數十合世忠妻梁氏親執桴鼓敵終不能濟俘獲甚眾虜烏珠之壻龍虎大王烏珠懼請盡歸所掠以假道世忠不許復益以名馬又不許遂自鎮江泝流西上烏珠循南岸世忠循北岸且戰且行世忠艨艟大艦出金師前後數里擊柝之聲達旦將至黃天蕩在江寧府上元縣東北大江至此浸深廣橫濶三十里烏珠窘甚或曰老鸛河故道亦名老鸛嘴在黃天蕩南今雖湮塞若鑿之可通秦淮烏珠從之一夕渠成凡三十里遂趨建康岳飛以騎三百步兵三千邀擊于新城亦曰北城在句容縣北大破之烏珠乃復自龍灣市名在上元縣西北出江中趨淮西會達賚自濰州遣貝勒塔葉舊作塔革太乙今改後仿此引兵來援烏珠乃復引

馳馬之荒唐矣

還欲北渡。世忠與之相持于黃天蕩。塔葉軍江北。烏珠軍江南。世忠以海艦進泊金山下。豫以鐵綆貫大鈎。授健者。明旦。敵舟譟而前。世忠分海舟爲兩道出其背。每縱一綆。則曳一舟沉之。烏珠窮蹙。求會語。祈請甚哀。世忠曰。還我兩宮。復我疆土。則可以相全。烏珠語塞。又數日。求再會。而言不遜。世忠引弓欲射之。烏珠亟馳去。見海舟乘風使篷。往來如飛。謂其下曰。南軍使船如使馬。奈何。乃募人獻破海舟之策。于是閩人王姓者。教其舟中載土。以平板鋪之。穴船板以櫂槳。俟風息則出。海舟無風。不可動也。且以火箭射其簑篷。則不攻自破矣。烏珠從之。刑白馬以祭天。及天霽風止。烏珠以小舟出江。

世忠絕流擊之。海舟無風不能動。烏珠令善射者乘輕舟以火箭射之。烟燄蔽天。師遂大潰。焚溺死者不可勝數。世忠僅以身免。奔還鎮江。烏珠遂濟江。屯于六合縣。世忠以八千人拒烏珠十萬之衆。凡四十八日而敗。然金人自是亦不敢復渡江矣。

遷趙鼎爲翰林學士。辭不拜。呂頤浩免。

初。御營司本以行幸總齊軍政。而宰相兼領之。遂專兵柄。樞府幾無所預。頤浩在位。尤顛恣。中丞趙鼎嘗疏論之。及聞韓世忠敗金人。頤浩請帝幸浙西。下詔親征。帝將從之。趙鼎以爲不可輕舉。頤浩惡鼎異已。改鼎翰林學士。鼎不拜。改吏部尚書。又不拜。乃上言。陛下有聽納

呂頤浩在位專恣不爲無罪但其請幸浙西下詔親征持議未爲大謬鼎何故

反力詆之而高宗一聞鼎說毅然聽從頤浩遂因此罷相高宗非果賞其忠諫也蓋鼎前此衆寡不敵之說及此時不可輕舉之謀與高宗畏選本懷隱相契合故不覺言之如水投石耳至其兩次改官皆堅卧不受乃宋人矯抗結習且樂居言路以便其攻訐也論者乃謂頤浩欲以官啗鼎而鼎之固辭為不入其黨是則必遷除非由朝命而後可顧中丞之拜史謂其因議避而擢用則學士吏部之選又安知非固沮親征而晉秩耶

之誠而宰相陳拒諫之說陛下有眷待臺臣之意而宰相挾挫沮言臣之威堅臥不出上疏論頤浩過失凡千餘言頤浩因求去詔以頤浩倡義勤王宜從優禮乃罷為鎮南軍節度使醴泉觀使而復命鼎為中丞諭之曰朕每聞前朝忠諫之臣恨不之識今于卿見之

留守司統制牛皐字伯遠汝州魯山人追敗金人于寶豐宋縣今屬汝州

金兵下江西者聞烏珠北還亦自荆門注見前引去留守

司統制牛皐潛軍邀擊敗之于寶豐之宋村

五月岳飛襲金人于靜安鎮名在上元縣西北其旁即龍灣市敗之

烏珠既濟江金人在建康者大肆焚掠執李稅陳邦光

等自靜安渡宣化亦鎮名在六合縣南而去岳飛邀

桡追死手歸于劉豫

擊金人于靜安鎮大敗之初社允之敗也其將士潰去多行剽掠獨飛嚴戒所部不擾居民士夫避寇者多賴以免。

以翟興等爲荆湖淮南諸路鎮撫使分地處之。

時京東西荆湖南北淮南諸路盜賊蠭起大者數萬人據有州郡朝廷不能制范宗尹言于帝曰羣盜皆烏合之衆急之則併死力以拒官軍莫若析地以處之盜有所歸則可以漸制帝善之乃以翟興等並爲鎮撫使分地畀焉翟興河南府孟汝唐州趙立楚泗州漣水軍今淮安府安東縣劉位滁濠州趙霖和州無爲軍李成舒蘄州吳翊光黃州李彥先海州淮陽軍薛慶高郵天長軍

未幾。又授陳規德安府。復州。漢陽軍。解潛荆南府。歸峽

州。荆門。公安軍。程昌寓鼎澧州。陳求道

字德之。咸寧人。

襄陽府

鄧隨郢州。范之才。金均。房州。馮長寧。順昌府。蔡州軍興。

聽便宜從事。俾立顯功。許以世襲。然李成。薛慶輩。起于

羣盜。翟興。劉位。土豪。李彥先等。皆潰將。既無統屬。有急

又不遣援。故諸鎮鮮能自守。尋又以孔彥舟為辰沅靖

州。郭仲威為真揚鎮撫使。

既而陳求道為劉忠所執。罵賊死。劉位為盜所殺。薛慶與

金人戰揚州城下。敗績死之。李彥先引兵援楚州。亦敗。

馮長寧叛附劉豫。吳翊棄城遁走。郭仲威謀據淮南。通劉豫。王德襲執之。送行在。伏誅。其李成。孔彥舟。降劉豫。翟興為下所殺。事別詳後。

金人圍楚州

金達賚圍楚州急。趙立命撤廢屋。城下然火池。壯士持

金兵之地城未嘗駐
張彬謂洛索孤軍深入乘
其初至而擊之未為非策
曲端乃欲按兵據險時出
兵擾其耕穫且欲遲一二
年以待其困弊並為保疆
以俟十年之計所見殊謬
金人所至並未以屯墾為
事不過因宋地之糧即擾
之使不得安食又將徙而
轉攻他郡耳豈肯株守一

長矛以待。金人登城。鉤取投火中。金人選死士突入。又
搏殺之。乃稍引退。至是。烏珠將北歸。以輜重假道于楚。
立斬其使。烏珠怒。乃設南北兩屯。絕楚餉道。

六月。罷御營司。以范宗尹兼知樞密院事。

秋。七月。張浚罷其都統制曲端。

浚雖重用端。然以人言浸潤。不能無疑。乃使張彬詣渭
州察之。彬至。謂端曰。今兵合財備。洛索以孤軍深入吾
境。我合諸路攻之不難。端曰。彼將士精銳。且因糧于我。
我今反為客。未可勝也。若按兵據險。時出偏師以擾其
耕穫。彼必取糧河東。則我為主矣。如此一二年。彼必困
弊。乃可圖也。萬一輕舉。後憂方大。彬還白浚。浚不以為

隅坐待宋人之積久以圖之耶曲端妄議沮撓軍事徒惑人心罷斥亦不爲過而論者以端後此死非其辜並此事亦歸罪張浚實非持平之見也

然及烏珠留江淮浚議出師撓之。端曰平原廣野敵便于衝突而我軍未嘗習水戰。金人新造之勢難與爭鋒。宜訓兵秣馬保疆而已。俟十年乃可。浚積前疑遂以彭原之敗罷端兵柄。再貶海州團練副使。萬安軍安置。以岳飛爲通泰鎮撫使。

張浚薦之也。飛辭乞淮東一重難任使。收復本路州郡。乘機漸進。使山東河北河東京畿等路。次第而復。不聽。金烏珠引兵趨陝西。

時張浚以金兵萃淮上懼其復擾東南。謀牽制之。欲出兵分道由同州鄜延以擣其虛。烏珠聞之。遂自六合引兵趨陝西。金主亦以洛索專攻陝西。所下城邑旋復拒。

守。因其請益兵。命鄂爾多往監其軍。

張浚遣兵復陝西軍州。

趙普復鄜州。吳玠復永興軍。其餘州縣多迎降。

金徙二帝于五國城。

詳見前。

金將立劉豫。乃徙二帝于五國城。去上京東北千里。徙此踰月。太上皇后鄭氏崩。洪浩自雲中密遣人奏書。以桃梨栗麪等獻二帝。始知帝卽位之實。

建人范汝爲作亂。

時方艱食。民從之者甚衆。州遣兵出戰。爲所敗。賊勢滋盛。統制李捧捕之。官軍大潰而遁。詔福建安撫使程邁會兵進討。時汝爲已破建陽。乃移命神武副軍統制辛

金宗討之。

八月。隆祐太后至越州。

以桑仲爲襄鄧隨郢鎮撫使。

范宗尹念鄉國被禍。請赦仲罪而授以官。從之。

九月。金立劉豫爲齊帝。

初。金主聞帝如東南。遣尼瑪哈南侵。諭之曰。侯宋平當援立藩輔。如張邦昌者。及烏珠北還。衆議折可求。劉豫皆可立。豫以重寶賂達賚。請立已。達賚許之。乃言于尼瑪哈。未之許。高慶裔說之曰。吾家舉兵。只欲取兩河。故汴京旣得。則立張邦昌。今河南州郡。官制不易者。豈非欲循邦昌故事邪。元帥盍不早建議。而使恩歸他人也。

南渡諸君世以張韓劉岳
稱然當日始終未嘗敗
者獨岳飛耳韓世忠
雖時見失利而戰功尚可
指數至張俊輩之少著微
勞不過荆平內地羣盜其
與金人遇未嘗不望風鼠

尼瑪哈從之。乃遣使即豫所部。咨軍民所宜立者。衆未
及對。豫鄉人張浚。請立豫。議遂定。達賚以聞。于是金乃
遣慶裔及知制誥韓昉。備璽綬寶冊。立豫爲大齊皇帝。
世修子禮。奉金正朔。置丞相以下官。九月。豫卽位。都大
名府。以子麟爲提領諸路兵馬。兼知濟南府。弟益爲北
京留守。冊其母翟氏爲皇太后。妾錢氏爲皇后。改
明年爲阜昌元年。朝廷聞之。凡僞仕于豫。而其家屬在東南者。
悉厚加撫卹。

詔劉光世督諸軍救楚州。光世不進。鎮撫使趙立死之。楚
州破。

楚州被圍久。立遣人告急。趙鼎欲遣張俊救之。俊辭不
行。乃命劉光世督淮南諸鎮救楚州。光世將王德。鄺瓊

竊也。卽如楚州之役，張俊既畏縮，辭避至五降御札，而光世訖不奉行。逮後劉麟要金師南下，光世坐視遷延，棄廬州不守，反告趙鼎以何事爲他人任患。幾有無君之心。高宗不能明，抵其罪。光世得以榮寵倖終，而史官亦概以中興佐命言之，無識甚矣。

等多不用命。惟岳飛僅能爲援，而衆寡不敵。帝以書趣光世會兵者五。光世訖不行。金人知外援絕，進攻東城。立登磴道以觀。飛礮中其首。左右馳救之。立曰：我終不能爲國殄賊矣。言訖而絕。金人疑立詐死，不敢動。越旬餘，城始破。立爲人木強，不知書。忠義出天性。仇視金人。度使諡忠烈。

張浚使都統制劉錫帥五路之兵，與金洛索大戰于富平。敗績。浚退軍秦州。

浚聞烏珠將至，檄召熙河劉錫、秦鳳孫偓、涇原劉錡字叔德順、環慶趙哲、四經畧及吳玠之兵，合四十萬人。馬七萬匹，以錫爲統帥，迎敵決戰。王彥諫曰：陝西兵將上

下之情未通。若不利。則五路俱失。不若且屯利。闡與洋。以固根本。敵入境。則檄五路之兵來援。萬一不捷。未大失也。浚不從。劉子羽亦方言未可。浚曰。吾寧不知此。顧東南事方急。不得不爲是耳。吳玠。郭浩。字充道。皆曰。敵鋒方銳。宜各守要害。須其弊而乘之。亦不從。遂行。次于富平縣。劉錫會諸將議戰。玠曰。兵以利動。今地勢不利。未見其可。宜擇高阜據之。使不可勝。諸將皆曰。我衆彼寡。又前阻葦澤。敵有不得施。何用他徙。將戰。軍中詐曲端旗以懼敵。金洛索撫掌大笑曰。聞曲將軍已得罪何給我。也。遂擁兵驟至。宋元通鑑。以詐張端旗爲富平再戰之事。係端死後考。宋史張浚傳。無再敗富平之事。通鑑蓋本羅大經鶴林玉露說。不足據。今採岳珂程史輯。

已而金人輿柴囊土。藉淖平行。進薄諸營。錫等與

之力戰。劉錡身率將士薄陳。殺獲頗多。勝負未分。而金鐵騎直擊趙哲軍。他將不及援。哲因離所部。其將校望見塵起。遂驚遁。諸將皆潰。金乘勝而進。關陝大震。浚時駐邠州。督戰既敗。退保秦州。召趙哲斬之。而安置劉錡于合州。令諸將各還本路。上書待罪。帝手詔慰勉之。自是關陝不可復論者。咎浚之輕師失律焉。是役也。金洛烏珠左翼軍將卻洛索以右翼力戰。遂敗浚軍。未幾卒。

冬十月。金人縱秦檜還。

檜從二帝至燕。金主以檜賜達賚。爲其任用。達賚信之。及南侵。以爲參謀軍事。又以爲隨軍轉運使。達賚攻楚州。檜與妻王氏自軍中趨漣水軍。自言殺金人監已者。

自金挈挈而歸爲逃
陰縱俱不足深論惟是高
宗之懷安厭兵與不願徽
欽返國端倪早已流露以
檜之奸必更能窺測隱微
故首以求和書草爲對高
宗一見卽許爲樸忠稱爲
佳士固已墮其術中矣

奪舟而來欲赴行在遂航海至越州帝命先見宰執檜
首言如欲天下無事須是南自南北自北朝士多疑其
與何輿孫傳等同被拘執而檜獨還又自燕至楚二千
八百里踰河越海豈無譏訶之者安得殺監而南就令
從軍達賚金人縱之必質妻屬安得與王氏偕惟范宗
尹及李回二人素與檜善盡破羣疑力薦其忠檜入對
首奏所草與達賚求和書帝謂輔臣曰檜樸忠過人朕
得之喜而不寐旣聞二帝母后消息又得一佳士也遂
拜禮部尙書先是朝廷雖數遣使于金但且守且和而
專意與金解仇息兵則自檜始蓋檜首倡和議故達賚
陰縱之使還也

十一月趙鼎罷以富直柔

字季申
兩之孫

簽書樞密院事

上欲以副都統辛企宗爲節度使鼎言企宗非軍功持
不下帝不樂遂罷鼎提舉洞霄宮欲申企宗前命謝克
家

是秋八月拜
參知政事

曰如此是使鼎得名企宗得利而陛下
獨負謗于天下後世也

日南至帝率百官遙拜二帝

自渡江至是始有此禮其後正旦亦然

以王彥爲金均房州鎮撫使

時所在盜起加以饑饉無所資食惟蜀富饒巨盜往往

窺覷桑仲既陷均房遂乘勢直搗金州白土關

在陝西
興安州

平利縣東南與湖北
鄭陽府竹溪縣接界衆號三十萬仲彥舊部曲也以申

牘請于彥曰。仲于公無敢犯。願假道入蜀就食耳。彥遣
統領閔立爲先鋒擊之。賊銳甚。立戰死。將士失色。或請
避之。彥叱曰。樞相張公。方有事關陝。若仲越金而至梁
洋。則腹背受敵。大事去矣。敢言避者斬。卽勒兵趨長沙
平。在鄖陽府房縣。阻水據山。設伏以待。仲見官軍少。蟻附搏戰。
彥執幟一麾。士殊死鬪。仲敗走。彥休士進擊。追奔至白
磧。山名。在房縣西北。遂復房州。張浚以彥爲金均。房州鎮撫使。
張浚退軍興州。遣吳玠守和尚原。在鳳翔府寶雞縣西南。大散關之東。以拒
金。

時金人盡破涇原諸州軍。叛將慕洧復引金兵破環慶。
遂入德順軍。注見前。浚聞之。乃退保興州。時輜重焚棄。將

士散亡。惟親兵千餘自隨。人情大沮。或請徙治夔州。參

軍事。劉子羽叱之曰。孺子可斬也。四川全盛。敵欲入寇

久矣。直以川口有鐵山。

在漢中府沔縣北。

棧道。

注見前。

之險未敢

遽窺爾。今不堅守。縱使深入。而吾僻處夔峽。遂與關中

聲援不相聞。進退失計。悔將何及。今幸敵方肆掠。未逼

近郡。宣司但當留駐興州。外繫關中之望。內安全蜀之

心。急遣官屬出關。呼召諸將。收集散亡。分布隘險。堅壁

固壘。觀釁而動。庶幾可以補前愆耳。浚然其言。而諸參

佐無敢行者。子羽請即奉命。乃單騎至秦州。召諸亡將。

時諸將不知宣司所在。及聞命。大喜。悉以其衆來會。凡

十餘萬人。軍勢復振。子羽因請遣吳玠聚兵。扼險于鳳

翔大散關東之和尙原以斷金人來路。關師古等聚熙

河兵于岷州大潭。

宋縣屬岷州故城在今秦州禮縣。

孫偓賈世方等聚

涇原鳳翔兵于階成鳳三州以固蜀口。金人知有備。遂

引去。

十二月金人侵熙河。副總管劉惟輔死之。

金人掠熙河。惟輔擊敗之。殺五千餘人。已而復至。惟輔

顧熙河尙有積粟。恐金人因之以守。急出焚之。爲金人

所執。摔以去。惟輔曰。死大。斬卽斬。吾頭豈汝摔也。顧坐

上客曰。國家不負汝。一旦遽降敵邪。卽閉口不言而死。

所部亦多不屈被殺。

定差役法。

初帝在河朔。親見閭閻之苦。嘗嘆知縣不得其人。一充役次。卽至破家。及卽位。深加講議。乃定差役法。以二十五家爲一保。十大保爲一都。內選才勇物力最高者二人充都保。主一都盜賊烟火之事。一年得替。其次有保長。二年得替。又有戶長。主催一都人戶夏秋二稅。一稅一替。若品官之家。並得免差。而限田有制。一品限五十頃。至九品五頃。子孫減半。蔭盡則役同編戶。太學生及得解經省試者。許募人充役。軍丁。女戶。及孤弱。悉免。金人大索客戶。拘殺之。

金密諭諸路。令同日大索兩河之民。及拘行旅于道。凡三日而罷。應客戶並籍入官。刺其耳爲官字。鎖之雲中。

及散養民間立價鬻之或驅之于韃靼諸國以易馬蓋

既立偽齊以舊河為界恐在北者逃歸豫地故爾樂壽縣得

客戶六十八人誤作六百八人以報尼瑪哈必責其數

縣官執窮民以足之被掠歸雲中者不令出城無以自

活士大夫往往乞食于途尼瑪哈見其多恐或生事聚三千餘人坑之

辛亥紹興元年金天會九年春正月以張俊為江淮招討使岳飛

副之時孔彥舟據武陵張用據襄漢李成據江淮湖湘十餘

郡尤悍強連兵數萬有席捲東南之意多造符讖幻惑

中外久圍江州呂頤浩救之不克時頤浩為江東安撫

進所敗江州尋陷朝廷患之以俊為招討使俊請岳飛同討許

之未幾李成復陷筠州筠州唐置今江西瑞州府是

二月以秦檜參知政事。

三月張俊岳飛大敗李成于樓子莊。

在江西南康府建昌縣長山西南。羣

盜皆遁。

俊聞李成將馬進在筠州。豫章介江筠之間。遂急趨

之。旣入城。喜曰。我已得洪。破賊決矣。及進犯洪州。連營

西山。

在南昌府新建縣西。一名南昌山。

俊歛兵若無人者。居月餘。進以

大書牒索戰。俊以細書狀報之。進以俊爲怯。俊諜知賊

怠。乃議戰。岳飛曰。賊貪而不慮後。若以騎兵自上流絕

生米渡。

亦曰生米潭。上有市。又曰生米市。在新建縣西南。

出其不意。破之必矣。

因請爲先鋒。俊大喜。乃令楊沂中絕生米渡。飛重鎧躍

馬。潛出賊右。突其陣。所部從之。進大敗。走筠州。飛抵東

史稱岳飛行兵張岳字旗以備敵蓋其後威聲震著藉此以先聲奪人而樓子莊之戰則不盡然蓋飛設伏已定正欲以兵少誘賊使賊但見其易取而不復致疑斯為制勝之要若徒以旗幟虛名謂操勝券猶淺之乎論飛矣

城進出城布陣。飛設伏以紅羅為幟上刺岳字。選騎二百隨幟而前。賊易其少。薄之。伏發。進大敗走。飛使人呼曰。不從賊者坐。吾不汝殺。坐而降者八萬人。俊與沂中復前後夾擊。賊大潰。進以餘卒奔南康。飛夜引兵至朱家山。即長山。在建昌縣南。又斬其將趙萬。成聞進敗。自引兵十餘萬來。俊與飛遇。成于樓子莊大破之。遂復筠州。成復以十萬眾與俊夾河而營。沂中夜銜枚渡河。與俊夾攻。成大敗。俊乘勝追至江州。成勢迫。絕江而去。因呼俊為張鐵山。遂復江州。興國軍。宋置。今湖北武昌府興國州是。等處羣盜皆遁。已而俊引兵渡江。追成至蘄州黃梅縣。大敗之。馬進為追兵所殺。成北走。降劉豫。張用復寇江西。岳飛與用俱相人以書諭之。用遂率眾降。江淮悉平。俊奏飛功第一。詔進飛右軍都統制。屯洪州。彈壓盜賊。孔彥舟本

李成黨尋為斬黃鎮撫暴橫不奉法明年朝廷將以兵執之彥舟遂以所部叛降劉豫

武功大夫張榮擊敗金兵于興化

五代楊吳縣今屬揚州府

達賚北遁

榮本梁山濼漁人聚舟數百以劫掠金人杜充時嘗借

補武功大夫金人南侵攻之不克及金人退榮襲據通

州聯舟入興化縮頭湖

在縣東亦曰率頭湖後名得勝

作水寨以守金

達賚在泰州謀再渡江欲先破榮寨榮率舟師與之遇

見金戰艦不多餘皆小舟時水退隔泥淖不能前乃舍

舟登岸大呼而擊之金人不得騁舟中自亂溺水及陷

泥淖者不可勝計俘馘五千餘人達賚收餘眾奔還楚

州退屯宿遷尋北去榮告捷于朝遂以榮知泰州

張浚退屯閬州分諸將守川陝

先是金破鞏河樂蘭廓積石西寧諸州盡有涇原熙河

二路至是復破福津

本西魏覆津縣唐改福津元省故城在今甘肅階州蹂同谷

西魏縣元省故城在階州成縣

以迫興州浚遂退保閬州而以張深為

四川制置使與劉子羽趨益昌

注見前

王庶為利夔制置

使節度陝西諸路知興元府未幾復以吳玠為陝西都

統制

夏四月隆祐皇太后孟氏崩

諡昭慈獻烈

詔權攢

不葬而掩其柩曰攢

于會稽縣之上皇村

金襲西遼和勒端

舊作易城方輿紀要在董今改城故庭州東北不克

金聞耶律達什在和州

遼置在漠北

之域恐與夏人合遣使

索之夏國報以境土不相接亦不知達什所往尼瑪哈

行抄見不道金車
以耶律伊都遼之近族。必知其巢穴。以番漢及女真軍萬人付伊都。使攻達什于漠北。和勒端城。臨行。質其妻子。仍起燕雲河東夫運餉。和勒端城去雲中三千餘里。是行也。三路之夫死者不可勝計。

劉光世復楚州。

秋七月。封太祖後令話。

燕王德昭元孫

爲安定郡王。

先是。下詔曰。太祖創業垂統。德被萬世。神宗初。封子孫一人爲安定郡王。今其封久不舉。有司具上應襲封者。至是。以令話爲安定郡王。自後襲封不絕。

范宗尹免。

宗尹有才智。年三十爲相。毅然以國事自任。然爲政多

曲端抗違軍機坐視危急不援以致城陷將歿奚止再三坐以失律之誅亦不為枉王庶以前諸事即不追咎而陝州彭原之致敗皆張浚所自擊若彼時即請朝命誅之誰得而議其非者乃于事後信其妻之讒羅織連繫且以非法致之死恭州之獄論者咸以為冤浚實不能辭懷私事殺之罪矣

私屢為言者所詆奏檜從而擠之帝亦惡其為人會侍御史沈與求奏其罪狀遂落職

八月張浚殺前威武大將軍曲端

浚既敗于富平乃思端言召之還稍復其官徙閬州將復用之吳玠憾端因言端再起必不利于公王庶又從

而間之

玠復書曲端謀反四字于手以示浚庶又言端嘗作詩題柱曰不向關中興事業卻來江上泛

漁舟謂其指斥乘輿浚乃送端于恭州獄有武臣康隨者嘗以事

忤端端鞭其背遂深憾之及浚以隨提點夔路刑獄端

聞之曰吾其死矣隨至命獄吏繫維端以紙糊其口烙

之以火端乾渴求飲與之酒九竅流血而死陝西士大

夫莫不痛惜之軍士悵恨有叛去者端有馬名鐵象日馳四百里愛之甚

于子息。及在獄。聞康隨至。呼天者數聲。又連呼鐵象。可惜者復數聲。既死。不旬日。鐵象亦斃。

以汪伯彥爲江東安撫大使。既而罷之。張守免。

時黃潛善已死。張守復薦用伯彥。侍御史沈與求論劾之。詔伯彥復褫新職。守亦引疾辭去。

以秦檜爲尙書右僕射同平章事兼知樞密院事。

范宗尹旣去。檜欲得其位。因揚言曰。我有二策。可聳動天下。或問何不言。檜曰。今無相。不可行也。帝聞。乃有是命。

詔贈程頤直龍圖閣。

九月。以呂頤浩爲尙書左僕射同平章事兼知樞密院事。

時江淮初定。命頤浩仍兼宣撫。頤浩先爲江東宣撫。見上。頤浩敗賊。

張琪于饒州。遂拜少保復相。及入對首言先平內寇。然後可禦外侮。而閩寇最急。廣寇次之。蓋閩中去行在不遠。二廣未經殘破。若非速除。爲害不細。帝深然之。

復修日歷。

翰林學士汪藻言。本朝宰相皆兼史官。故書榻前議論之詞。則有時政記。柱下見聞之實。則有起居注。謂之日歷。所以備言垂一世之典。苟曠三十年之久。漫無一字。何以示來世。帝從之。卽以命藻。

長星見。詔求直言。

冬十月。吳玠及其弟璘大敗金烏珠于和尚原。烏珠遁。

玠自富平之敗。收散卒保和尚原。積粟繕兵。列柵爲死

守計。

時關隴六路盡破。止餘階成。岷鳳洮五州。及鳳翔之和尙原隴州之方山原而已。

或謂玠

宜退屯漢中。扼蜀口。以安人心。玠曰。我保此。敵決不敢

越我而進。是所以保蜀也。

玠在原上。鳳翔民感其遺惠。夜輸芻粟助之。玠償以銀帛。

民喜。輸者益多。金人怒。伏兵邀殺。且令保伍連坐。民冒禁如故。

金將默呼

舊作沒立。今改。自鳳

翔額勒濟格

舊作鳥勒折合。今改。

自階成出散關。約日會和尙原。

額勒濟格先至陣北山索戰。玠命堅陣待之。更戰迭休。

金人大敗遁去。默呼方攻箭箬關。

卽箭拔嶺。岐山最高處。在鳳翔府岐山縣

東。玠復遣將擊破之。兩軍終不得合。金人自起海角。徂

于常勝。及與玠戰。輒敗。憤甚。謀必取玠。于是烏珠會諸

帥率兵十餘萬。造浮梁跨渭。自寶雞結連珠營。壘石爲

城。夾澗與玠軍相拒。進薄和尙原。玠與弟璘選勁弩。命

諸將分番迭射號。駐隊矢連發不絕。繁如雨注。金人稍卻。則以奇兵旁擊。絕其糧道。度其困且走。設伏于神岔溝名。在隴州南吳山下。以待之。金軍至。伏發。遂大亂。玠因縱兵夜擊。大敗之。烏珠中二流矢。僅以身免。亟髻其鬚。髯而遁。初。金人之至也。玠與璘以散卒數千駐原上。朝問隔絕。人無固志。有謀劫玠之兄弟北降者。玠知之。召諸將歃血盟。勉以忠義。皆感泣。願盡死力。故能成功。

初置見錢關子。

時命張俊屯婺州。有司請椿辦合用錢。而路不通舟。錢重難致。乃造關子付婺州。召商入中以結軍食。商人執關子于權貨務請錢。願得茶鹽香貨鈔引者聽。于是州縣以關子充糴本。未免抑配。而權貨務又止以日輸三

行劫。時開龍六路盡破。止餘階。成岷。鳳。洮。五州。或謂玠

分之一償之。人皆嗟怨。

十一月。以孟庾為福建江西荆湖宣撫使。韓世忠副之。

辛企宗討范汝為。不克。其勢益熾。乃命庾為宣撫使。世忠副之。發大軍。由溫台路入閩。汝為聞大軍將至。亟入據建州。

十二月。盜曹成陷道州。

成初陷漢陽鄂州。屯攸縣。漢縣。今屬湖東。安撫向子諲

招之。成聽命。子諲遣兵扼衡陽。唐縣。今為衡州府治。欲圖之。而援

兵不至。成忿。子諲扼已。即擁眾而南。官軍悉潰。成大掠。執子諲而去。已而統制馬廣遣人論成。子諲始得釋。

金以陝西地畀劉豫。

先是豫置招受司于宿州。以誘逋逃者。至是金復以陝西地畀之。于是中原盡屬于豫。

西歐異之千以中以壽萬千新

武長城五所受同千餘州

